



Fingern von Branden
burg

U. 551

Martin Luther

Thiel. M. VIII. 1064.




U. LANDE-BIBLIOTHEK
HALLE
(S. 11)

78 L 1562

Lesen


§





Die zwölff artickel un-
sers Christliche glaubens mit an-
zeigūg d̄ hailigen geschriffte/
Darin sie gegründt seind
durch D. V. Regiū / Zu
dienst dem Ersamen
weise Caspar weiß-
brugker.

Wer nit glaubt der wirt verdambt. Marc. 16.



le
li
sch
su
ie
w
li
cr
di
sy
de
od
an
du



Vorred.

Ipprianus oder Rufinus
vermayndt / dye
apostel (als inen Chri-
stus befolhen het / als
lenchhalb in der welt das Euange-
lium / zū predigen) seyen vor irer
schidung uberein komen / vnd ayn
summa oder außzug gemacht aller
irer künfftigen predig / ain yeder
was er hielt / auff das sie ainhellig-
lich die Göttlich leer Christi aller
creatur predigten / Vnd das seynd
die xij. stuck vnser glaubens / wie
sy ain yeder teglich spricht. Nū wie
dem allem / es habends die apostel /
oder gleich ire nachkomēde also her
auß auff das kurtzist gezogen / ge-
dunckt michs güt sein / doch hör od

Marci. 16.

leß dannoche ain yeder den schatz
der weißhait / die Biblia auch / als
den rechten brunnen vnd vrsprüg /
da das vnd anders mer vns zu vn-
derweisung beschriben ist. Wir ge-
lauben das im Sacrament des al-
tars der leyb vnd das bluc Christi
sey / das steet nit in disen zwölff ar-
tickeln vnd ist doch ain artickel des
glaubens / darumb muß man die
schrift auch besehen / In den zwölff
furnemen artickeln des glaubens /
ist fast dz furnemest begriffen was
ainem Christen not ist zu glauben
zur seligkait. Die weil nun vnns so
vil am glauben ist gelegen / das on
den glauben niemands mag sällig
werden / Marci vltimo. Wer nit
glaubt der ist verlore: Hebre. ii. On
glauben ist es vnmüglich gott ges

Marci. 16.

Hebre. ii.

fallen. Iohannis. 3. Wer mit glau-
bet der ist schon gericht / warlich so
vndersteet sich der böß feind mit vil
listen vns vom glauben diser ar-
tickeln abzützingen / Derhalb not
ist das vnser hertz gar starck an di-
se artickel sey gepunden / mit vestem
vnrwandelbarem glauben / der im
kampff der schwerenn versüchung
besteen mög / Christus hat sich wi-
der des teüfels anfechtung mit der
schrift gesetzt. Mat. 4. warff im für
die spruch. Deut. 8. Psal. 90. Deut.
6. vñ. 10. also sollen wir auch thun /
Der böß gayst fürcht die schrifte /
die weil er ain vatter der lügen ist
mag er die wort der ewigen war-
hait nit erleiden / er ist ain Fürst der
sinnsternuß darumb fleücht er die
wort des liechts / er ist ain anfang

Iohan. 3.

Math. 4.

Deut. 8.

Psal. 90.

Deuter. 6.

vnd. 10.

A iij

Johan. 6.

er des tods / darumb scheücht er die wort des lebens. Johannis. 6. Darumb sol ain ieder Christ dise zwölff artickel mit spruchen der hayligen schrift wol umbmauren vnd befestigen / das im der teüfel kainê mög umbreißen.

Die haylig schrift ist hie vnser mauer vnd züflucht / darauff sich dz hertz sicherlich mag vnd soll hefften vnd verlassen / darauff befestigung vnser glaubens kommen / was sie vns leret vnd haist das ist recht vñ gotes will / sie ist vnser liecht vñnd weg / sie kompt von got dem hailigen gaist / leret vns was vns zü hayl not ist / tröst vns in aller anfechtung / weiset vns in allem irrsal / erleicht vnns in der finsternuß vnser vnwissenhait / Darüb spricht Pau-

lus. Rom. 15. Was vns fürgeschriben ist das ist vns zur leer geschriben / auff das wir durch gedult vnd trost der schrift hoffnung haben. vnd. 2. Timo. 3. Alle schrift von got eingebē / ist nutz zur lere / zur straf / zur besserung / zur zichtigūg in der gerechtigkeit / das ain mensch gotes sey on wandel zu allem gutē werck geschickt.

Glaubwürdige bestand / kraft vñ eer d hailigē göelichē schrift des alten vnd neüwen testaments / zaiget vns gnügsam an / das nit menschñ auß jñ selbs / sonder got durch menschen geredt hatt / es seind nit menschen sonder gotes wort / also sprach got zu Moysi. Exodi. 4. Sar für / ich wird in deinem mund sein vñ wird dich leren was du solt reden / Chri

Iohann. 7.
vnd. 14.

stus schreibet sein leer dem vater zu.
Iohannis. 7. vnd. 14. Got der vater
ter hat in der kirchen als iren rech-
ten warhafftigen doctor geben de
Math. 17. man glauben soll. Mathei. 17.

Hebre. 11.

In artickeln vnser hailigen ges-
laubens stet dz wörtlin Glaub von
erst an / dan als Pau. spricht. Heb.
11. On glauben ist vnmüglich gott
gefallen / dan wer zu gott kommen
will der muß glauben das er sey /
vnd denen die in süchen ain vergelt-
ter sein werde.

Hebre. 11.

Man spricht nit ich sich oder ich
weiß / sond ich glaub. Paulus Des
bre. 11. spricht. Glaub ist ain gewisse
züversicht des das zühoffen ist / vn̄
ain zaichen des das nit scheint / dan
dise artickel seind wunderbarliche

geheim gotes / die durch menschlich
vernunft nit mögen erraicht wer-
den / sonder allain gesehen mit den
augen des glaubens / Menschliche
weißheit kan nit verstehen das Gote
mensch worden sey / vnd gestorben
widerauffstanden / vnd erwecke
auch die verstorbenen in Christo / sey-
gen himel gefaren / sitz zu der rech-
ten gotes seines vatters. Item das
gotes rechter / natürlicher son von
ainer jungfrawen geporn sey etc.
Die weißheit des Creützes ist vor
allen augen weltlicher weißheit ver-
borgen / es ist ain heimlichkeit / wirt
mit glauben erkent / alle weltliche
flüchtigkeit weißt nichts darüb / Also
sagt Paulus. 1. Corinthiorū. 1. Wir 1. Cor. 1.
predigen den Creützigten Christū /
ain ergernuß den juden / ain thors

A v

hait den haiden / aber den beriesten
Juden vnd Waiden gotes macht
vnd weißhait. Es gedunckt die haiden
den ain nãrrisch ding sein / das got
solt sterben / ain solliche vnermes-
senliche / vn begriffenliche maiestet /
sie wissen nichts vom geheim der
gebenedeyten menschwerdung gos-
tes / vmb vnser hays willen von
ewigkait angesehen vnd verordnet.

Ephe. 1.

Ephe. 1.

1. Cor. 1.

Paulus spricht. 1. Corinthiorũ. 1.
Dieweil die welt durch ir weißhait
got in seiner weißhait nit erkennt /
gefiele es got wol / durch thorechtig
predig selig zũ machen die daran ge-
lauben.

Die ist gesetzt vnd aufgericht dz
zaichen darwider gesprochen wirdt
vnd das vilen in Israhel ist zũ ain

fal vnnnd vristende. Luce. 2. Die ist Luce. 2.
gesetzt der stain der verletzung vnd
ain fels der ergernuß. Esaie. 8. Da Esaie. 8.
ran sich vil zerknischen werden.

Das ist die weißheit der Christen
menschē die vns selig macht / so doch
alle weißheit der haidē ire lerer nit
hatt mögen in dem aller klainesten
schmertzen kreffteiglich trösten.

Die weißheit hat got verborgen
den weisen vnd verstendigen / vnnnd
hat sie geoffenbart den vnmündig- Math. 13.
en. Matthei. 13.

Die iuden vnderstündē sich durch
ir gesatz vnd werck des gesatz from
zu werden vñ zu got kommen / aber
sie haben also nit mögen from wer-
den. Rom. 9. Sie haben Christum Rom. 9.
den edlē Eckstein verworffen / welch
er des gesatz end ist / daran rechts

Rom. 10. fertig oder from̄ wirt wer da ges
laubt. **Rom. 10.** Es ist aber ain anz
dere from̄kait daruon die Juden
nichts wissen/die haist̄ gotes from̄
Rom. 3. kait. **Ro. 1. 3.** Das ist nichts anders
dañ glauben in den der den sünd̄er
Rom. 4. from̄ macht. **Ro. 4.** glaub ich recht
in Christū als dē waren gotes son̄
vnd mein ainigen erlöser vnd seligs
macher/warlich so wirdt mir diser
glaub vnd vertraw zu im vor Gott
für mein from̄kait gerechnet.

Glauben ist nit ain schlecht ding
das im ainer selbs mög geben oder
machen wan er wöll/Sonder ain
groß mechtig ding das den mensche
erneüwert/laßt in nit bleiben in dē
alten won vnd in der alten haut
vnd begird.

Glauben ist bestentlich anhangz

en dem wort gotes / es seye tröwort
oder verhaissungen / dz du dich dar
auff verlassest / das kan von im sel
ber kein mensch / es muß der gait
gotes vor sein hertz erneüwern vñ
erleüchten / *Actu. 4.* Es macht im selbs wol
ainer ain won von got wie er güts
tig vñnd barmhertzig sey / aber es
hat kein krafft / so bald der ernst kö
met vñ die not so verschwindt diser
won wie ain trom.

Es ist nit gnüg dz man die artickel
vnser glaubens alltag fünf sechs od
siben mal am paternoster sprech / sie
müssen im hertze geschriben sein vñ
leben / dz sie nit allain auf der zung
en schweben / damit wa der ernst
anget dz im also sei wie du sprichst /
du sprichst ich glaub ablaß der sind /
vñd wañ dich der teüfel in tods nōs

ten ansichte vmb deiner manigfal-
tigen sünd willen / so bistu vertzagt
vnd wilt nun verzweifeln / darbey
sich ich das du disen artickel mit dei-
nem mund sprichst / aber dein hertz
waist nichts darvon / du glaubst
in nit warhafftiglich / Du sprichst
ich glaub vstende des flaischs vnd
das ewig leben / Aber wan der tod
einbricht / leib vnd seel sich müssen
schaiden / so bistu als erschrocken als
wan leib vñ seel gar sturben / vñ nū
gar auß sey mit dir. Sich zu / wār
ain rechter glaub in dir von dem ar-
tichel / das dir kein zweifel wār leib
vnd seel kēnen bald wider zusamē /
warlich so wārest du nitt als er-
schrockē. Dan mā bewārt dē glaubē
in der not / wie das gold im feur.
Dein emsigs / höchsts gepet zu got

altweg soll sein. Ach herz ewiger all
mechtiger got / gib mir den rechten
warhafftigen glauben / liebe vnd
hoffnung / damit ich dir vnd meis
nem neben menschen nach deinem
wolgefallen dienen mög.

Der erst artickel.

Ich glaub in got vatter
allmechtiger schöpffer hymel vnd
erdrichs.

Die merck zum ersten das nun
ain got ist / aber es sein drey person /
vater / sun vñ hailiger gaist / als die
schrifft beweist / die drey personen
seind gleich ewig / gleich mechtig /
ainer maifestet vnd wesens.

Der sun in der dreiainigkait / ist
in der letstē zeit zu vns gesant / hat
menschliche natur an sich genom

men/auff das er die schrift erfülle
vnd vns erlöset nach dem aller be-
sten willen seins vaters / vnd er hat
auch alle ding mit dem vater vnd
hailigen gaist nach der gotheit im
anfang geschaffen.

Deut. 6.

Also sagt die schrift Deut. 6. Hör
zu Israhel / Gott eurer herze ist
ain got / du solt got dein herzen lieb
haben auß ganzem deine hertzen /
auß gantzer deiner deiner seel / vnd
auß aller deiner krafft.

Cicero.

Menschlich natur ist so übel ver-
blindt worden durch die sünd / das
sie auß aignem vermögen den artiz-
ckel das ain got sey nit wol mag bez-
greiffen / vnd ob sie schon maint es
sey etwas das got sey / wie Cicero
in Tusc. disputation. antzaiget / so
waist sie doch nichts gewiß vō im /

von seinem gewalt vñ willen / Wā
sicht wol wie die Idaiden auß irer
vernunft von got so wenig gewiſt
haben / sie habē vil gōtter gemacht /
vñnd seind in iren gedanken ver-
schwundē / vñ hond vō der allmech
tifait gotes nichts rechts gewiſt /
als man sieht im .8. büch Phisicorū.
des Aristotelis. Dz liecht der natur
ist solchen hohen dingē zūschwach /
es muß dz liecht der gnadē hie schei-
nen in der finsternuß / sonst ist's lau-
ter irrsal vñd vnwissenhait.

Roma. i.

8. Phisi.

Gott haist vnser vatter / das ist
ain trostlich ding ain glaubigen /
ist er vnser vatter so seind wir seine
kinder vñnd die erben seines reichs.
Rom. 8. Also nennet in Esaias am
63. capitel. Herz du bist vnser vater
vnser erlöser / vñd am. 64. cap.

Roma. i.

Esaie. 63.

Esaie. 64.

B

Herz / vnser vatter bist du / du bist
der werckman / wir seind all werck
deiner hend / darumb beten wir / va
ter vnser der du bist in hymmeln.

Math. 6. Mathei. 6.

Allmechtiger vatter / gott ist all
mechtig / alle ding sein im müglich
alle geschöpff ist in seiner hand / sein
gewalt / macht vnnnd wesen ist vn
ermessenlich vnnnd vnendlich / dar
umb nennen in die Propheten so
offt Dominum Sabaoth oder ex
ercituum / ain herren der hōrscha
rin. Item Baruch. 3. du herz allmech
tiger got Israhel. Gen. 17. Ich bin
der allmechtig gott / Exodi. 15. all
mechtig ist sein nam. Item Exo. 6.
Judith. 16. Der allmechtig herz hat
im geschaden. Job. 8. Wan du den
allmechtigen wurdest bitten. Job.

Baruch. 3.

Gen. 7.

Exodi. 15.

Exoci. 9.

Judith. 16.

Iob. 8.

Iob. 13.

13. 15. 21. 22. 24. 27. Luce. 1. Bey got
ist kein ding vnmöglich Apocal. 4.
Hailig / hailig / hailig ist Gott der
herr der allmechtig / der da was vñ
der da ist vñ der da kompt. Item
cap. 21. Herr got der allmechtig ist
sein tempel.

Iob .13. 15.

21. 22. 24.

27.

Luce. 1.

Schöpfer / das hast du Gen. 1. im
anfang hat got erschaffen himel vñ
erden / liß das. 37. 40. 45. cap. Esai.
die schrift ist vol.

Gen. 1.

Esai. 37.

40. 45.

Wie sieht aber das liecht der na-
tur nichts / Dañ die natur kan das
groß wunderwerck schöpfung nie
verston / sie kan nit begreifen / wie
auß nichts etwas werd / Aber das
liecht des gelaubens vernimbt die
schöpfung / als Paulus betzeüget.
He. 11. Nū sich wie blind da sey alle
haidnische kunst / ire haubt punctē

Hebre. 11.

B ij

Der haidē
blindthait

seind / auß nichts wirt nichts / die
welt ist ewig vnd allweg gestandē /
des himels lauff hat weder anfang
noch end / es ist kein erster mensch /
vnd wirt kein letzter / geberē vnd
sterben wert ewiglich / die seel hat
kein eigen werck darin sie des leybs
nit bedürff / was ain mal stirbt / ebē
das selb ding kan nit meer wider
kommen / Wie sichst du wie ain ir-
rig vnwarhafftig ding die philoso-
phey ist / dan das ist als nit war / vn̄
ist dannoch dz furnemest / dz man
in Aristotele lernet / Darüb ist ayn
alts weib höher in der rechten phis-
losophey dan Aristote. sie hat durch
iren glauben / das Gott die welt
hat erschaffen / das Adam der erst
mensch was / das eben ir eigen leib
am jungsten tag wider auferweckt

wirt/das des menschen seel als ain
heller glantz der ewigen sonnē nim
mer aufhört zū sein/ sond vnsterbs
lich ist. Das leiplich sterben vn̄ wer
den am jungsten tag auffhört/ Dar
umb solt man ain jungen Christen
menschen nit in haidnischen büchz
ern/sonder in vnserm büch der Bis
blia auffertziehen / Wan lernt in
haydnischen büchern nun gottloß
ding/das stracks wider schrift vnd
glauben ist vnd vns irrig macht.

Der ander artickel.

Vnnd in Ihesum Christum sein
ainigen sun vnsern herzen.

Got hat nū ain natürlichen sun/
ains wesens mit dem vater/ vnbe
greifflicher vnnd vnaußsprechenz
licher weiß/ vom vatter von ewigz

B iij

Zeit immer geboren / der vater ist nit
vor dem sun gewesen / sie sein gleich
ewig.

Gala. 4.

Der selbig sun ist in der erfüllung
der zeit gesandt / vnd zeitlich auch
geporē auß der juncdfraw Maria /

Rom. 1.

Hebre. 1.

Er was durch die Prophetē lengist
verhaissē / ebē durch die ewig weiß
hait, durch welliche Gott die welt
wol erschaffen hat / durch die selbig
hat er sie widbracht von irē schwe
ren abfal. Er ist der recht Messias

Messias.

erlöser der welt / darvon all Prophe
ten haben geschriben / wie er zum
Samaritaner weiblin sagt. Johānis:

Johan. 4.

4. da sie sprach / Ich weiß das
der Messias künfftig ist der Chris
tus haist / da antwort Jesus vnd
sprach. Eben ich bins der mit dir redet
/ vnd die Samaritaner bekan

ten in sprechend. Wir wissend das
der ist warlich der hailmacher der
welt Christus / Also bekent in Pe-
trus vnd die Apostel / Matthei. 16. *Math. 16.*
Du bist der Christus ain sun des le-
bendigen gotes / Er ist der gebene-
deit som Abrahe / darin got vnserm *Gene. 26*
vatter Abrahe gebenedeyung ver-
sprach allen völkern der erdē. Gen.
26. Er ist des weibs sun der dē hel-
lischen wurm sein kopf zerknischen
solt. Gen. 3. Allain durch den send *Gene. 3.*
wir got wid versünet. Ro. 5. durch *Roma. 5.*
vertrawen in den werdē wir from
vnd selig / Er ist vnser König vnd
ewiger priester / durch welchen wir
ain sichern zügang haben zü Gott.
Hebre. 6. Vnser ainiger mittler. 1. *Hebre. 6.*
Timoth. 2. Ain mittler des neüwen *1. Timo. 2.*
testaments. Hebre. 9. Vnser hoff- *Hebre. 9.*

B iiii

i. Cor. 2

Gala. 1.

Iohan. 14.

Iohan. 3.

Math. 20

Zacha. 9.

Esaie. 62.

nung vnd erlösung. i. Cor. 1. Gala.
1. 1. Tim. 1. Niemandts kompt zum
vater Dan durch in. Iohannis. 14.
Dan er ist der weg / die warhait vñ
das leben. Got hat in darumb ges
sandt das er vns selig mache / wer
an in glaubt wirt nit verlorē. Ioh
hannis. 3. Er hat sein leben darges
ben ain erlösung für vil. Matt. 20.
On glauben an den mittler Chris
stū hat niemants mögen selig werd
en. Die vätter von seiner gepurt ge
laubten an den künfftigen / wir ge
lauben an den gegenwertigē. Sein
nam ist Jesus / das ist seligmacher /
vnd Christus das ist gesalbet / er ist
vnsrer künig vnd Bischoff. Zacha. 9.
Esaie. 62. Nimm war dein künig kom
met dir senfft / sein priesterampt (on
welchs wir nie zū got kommen) bez

Schreibt Pauls zün Hebreern / Die
Künig der welt werden mit öl ainer
zerstörlichen materi gesalbet / Aber
Christus vnser künig (des reich nitt
von der welt ist) der ist von got ge-
salbet durch den hailigen gaist. Esa
ie. 61. der gaist gotes ist ob mir / dan
er hat mich gesalbet zc.

Iohan. 18.
Esaie. 61
Actu. 10.

Gleich wie Ihesus ain sun Naue
ain erwelter herz vnd Hauptman
was des volcks Israhel / da sie auß
Egipten gefiert waren / das er sie
einfürte in das gelobt land der ver
haissung / also ist vnser herz Jesus
Christus vns von gott zugeben vn
verordnet / das er vns für auß der
dicken Egiptischen finsternuß vns
fers sündigen lebens / auß allen irr
salen diser welt in das erdtrich der
lebendigen. Mathei. 1. Er wirt das

Matth. 1.

B v

voldē hailmachen von iren sünden.
Darumb nennet in die schrifft im
neüwen Testament so offte vnsern
herzen/als die Epistel Pauli allent
halb beweisen.

Luce. 2.
Simeon.

Das ist der ainig gotes sun/ dar-
auff vns alle schrifft weiset vnd lay-
tet/ als auff vnser ainigs hailand/
wie in Simō nent. Lu. 2. Dz aber
die schrifft vns Christglaubigē auch
sun gottes nennet / das ist in ainer
andern gestalt / allain Christus ist
der recht natürlich sun gottes von
ewigkait / als die schrifft beweiset/
vnser hertz muß ain sollichen mech-
tigen herren haben darauf es stet/
der vns vor sünd / tod / teüfel / hell/
beschützen mög / der muß got sein.

Zeügknus auß baidē testamentē.
Esaie. 7. Esaie. 7. Da wirt Christus genent

Emmanuel das ist got bey vns.

Johannis. 1. im Anfang was das wort, / das wort was bey got / vnnnd got was dz wort / dz wort ist flaisch worden / vnnnd alles ist durch in gemacht / So nun er nit gemacht ist / sond er ist der macher selbs / so muß er got sein.

Iohann. 2.

Johannis am letstē spricht Thomas. Mein herz / mein got.

Actu. 20.

Actu. 20. spricht Lucas. Got hab die kirchen überkommen mitt seinē blüt / das redt er von wegen der vereinigung der person in zwayen naturen Jesu Christi.

Roma. 9. Welcher Christus ist got über alles / gebenedeyt in ewigkeit. Philippen. 2. Ain yeder sey gesint wie Jesus Christus / welcher ob er wol in götlicher gestalt was /

Roma. 9.

Phili. 2.

hater nit ain raub geachtet Gott
gleich sein. 2c.

Colos. 2.

Colos. 2. In im wonet die gantz
volkommenheit der gotheit leiplich.

Titum. 2.

Titum. 2. Das wir sollen wartē
auf die selige hoffnung vnd erschei-
nung der herlichheit des grossen
gottes vnd vnser hailands Ihesu
Christi.

Hebre. 1.

Hebre. 1. Er spricht zū sin / Gott
dein tron weret von ewigkeit zū
ewigkeit.

1. Iohan. 5.

1. Iohannis. 5. In seinē sin Iesu
Christo / diser ist d̄ warhafftig got /
vnd das ewig leben.

Psal. 8.

Psal. 8. Was ist der mensch / das
du sein gedenckest / du hast in genis-
dert ain klaine zeit / vnd dardurch
erhaben vñ krönt mit eer vñ gruß /
das ist zū ain herren gemacht über

alle welt / Erklärung diß spruchs
 sich zün Ephesern vnd Coloffern /
 Dat got Christum eingesetzt zü der
 rechten / vnd in gemacht zü ainem
 herzen über alles im himel vnd er-
 den / so muß er got sein / dan es ges-
 zimbt sich kains wegs das ainer zü
 der gerechten hand gotes vn̄ in ge-
 leichen gewalt mit got dem vatter
 gesetzt würd / wan̄ er nit got wär /
 dieweil got sein eer kainem andern
 geben will . *Esai. 48. 46. vnd. 42.* *Esai. 48. 46. 43.*
 Got sprichet *Osee. 13.* Du wirst sunst
 kainen got wissen dann mich / es ist
 sonst kain seligmacher dan̄ ich. *Esai. 44.*
 also ist geschribē. *Esai. 44. Esai. 45. vnd. 43.*
Exodi. 34. Deut. 5. 6. da wil
 er allenthalb das man kain andere
 frembde göter anbete. Nun sprichet
 Johannes. 5. Got wil habē dz man *Johan. 2.*



Roma. i.

den sun soll eeren / eben mit der eer
damit der vater geert wirt / das ist
gottes eer / so will gott man soll ain
got haben / vnd die gotes eer kainer
geschöpff geben / Dieweil er sie nun
hie Christo gibt / warlich so ist er
auch got / wie auch Pau. Ro. i. bez
weist / sprechend. Nach dem flaisch
ist er Dauids sun / aber dem Gayst
nach ist er erweist vnd glaubwir
dig gemacht Gottes sun / warlich
mechtig vnd gewaltiglich.

Die schrifte nent Christū etwa off
entlich got / etwan mit andn wortē
darauß doch vnüberwindlich bes
schlossen wirt / das Jesus Christus
warer got sey / vnd was bedarffes
vil / liß sant Johannes Euangeliū /
das ist schier nichts anders dan ain
zeügknus der waren gotheit Chris

sti/ Darumb irreten die Cerinther
Ebioniter vnd Arrianer die main-
ten Christus wär allain mensch vñ
nit got.

Aber wir glaubigen seind allain
gotes sun auß genad der erwelung
vnd annemung / nit auß warhait
der natur / von d selben kindtschafft
besich das. 4. cap. Gala. vnd das. 8.
Rom. vñ Ephe. 1. Da findest du wie
wir durch dē recht ratürlichen sun
gotes Christum / auß gnaden ange-
nommen werden / für sun gotes vñ
miterben Jesu Christi vnser her-
ren. Der glaub in Jesu bringt vns
zü solcher hochwirdiger kindtschafft
vnd zü disem herlichen erbtail. Jo.
1. Wievil in auffnamen / den gab er
macht gotes kind zü werden / denen
die da an seinen namen glauben.

Gala. 4.
Roma. 8.
Ephe. 1.

Der dritt Artickel.

Der empfangen ist vom hailigen
gaist / geborn auß der jungtfrawen
Maria.

Der artickel hat zwen tail / Der
erst / Christus ist nit von ainē man
nach gemainem lauff der natur /
sonder vom hailigen gaist überna-
türlich empfangē worden / Der an-
der / Die müter Christi ist nit bes-
fleckt / wie ain ander weyb / die ain
kind empfach mit verseerung irer
leyplichen vnnnd gaistlichen jungt-
frawschaft / sond sie ist ain juncfrō
wische müter / ain jungtfraw vor /
in vnd nach der gepürt.

Die wunderbarlichen empfangt-
nuß vn̄ geburt hat der hailig gayst
weißgesaget durch die Propheten /

vñ durch die Euangelistē anzeigt:

Matthens am. i. capitel. spricht.

Matth. i.

was in ir geboren ist das ist vō heiligen gāist. Luce. i. Da das gebenedeyet jungfrevlin Maria den englischen grūß höret / wie sie ain mütter werden solt ains sollichen großmächtigen herzen / der ain sun des aller höchsten wār / vñ sein herlich reyck soll in die ewigkait weren / fragt sie den ertzengel Gabriel mit jungfrölicher sucht / wie das zūgōn müßt / seymal sie von kainem man wiste / Antwort der ertzengel / der hailig gāist wirt kōmen über dich / vñ die krafft des höchsten wirt dich vmbshetigen / darūbauch das haylig das geboren wirt / wirt Gotes sun genennet werden.

Luce. i.

Es müßt hie ain sondlicher neü-

Ⓒ

wer mensch geboren werde / der de
vnflat vn bresten der ersten / sundi-
gen / vermaledeiten Adams geburt
hin neme / abwüschē mit seiner rei-
nigkeit. Darumb hat hie ain jungf
fröwische reine geburt sein müssen
da kein mackel der sünd wer / vnd
vermaledeyüg / Der hailig gaist ist
hie werckmayster gewesen in der
werckstat des reinen vnbesleckten
leybe Marie / ir rains flaisch vnd
blüt ist der natürlich sun gewesen /
darauß got d hailig gaist den edlen
reinen leib Christi geformiert hat.

Vnd die wunderbarlich haylig
jungfrawschafft Marie der auß-
erwönten magt / wirt vnüberwinde-
lich bezeüget in den Propheten vnd
Euangelisten.

Die schriftt gibt das die gebene

deiet frucht Marie Christus / muß
sein ain natürlich Kind aines wey-
bes / dann er wirt genent Gene. 3. *Gen. 3.*
ain weybs samē. Item er muß ain
hochgefreyet mensch sein / über alle
menschen / das er on alle sünd sey /
dan er sol dem schlangen sein kopff
zertreten das ist sünd / tod vñ hell /
Wäre er sündig geboren so het der
teüfel auch ain gewalt an im / wie
an andn kindern des zorns / er het
aber kein gewalt über in. Johā. 14. *Iohan. 14.*
Es kompt der Fürst diser welt vnd
hat an mir nichts. Also muß Chris-
tus wol ain rechter / natürlicher
sun ains weibs sein / aber mit ainer
über natürlichn weiß geboren wer-
den / anderst dan wir Adams kind /
Aus dem allē die jungfrawschafft
Marie klarlich vñ vnwidersprech-

C ij

lich bewärt wirt.

Zu ersten / spricht die schrift ains
weibs sun / er spricht nit ains mans
sun / er nennet allain ain frauen=
bild / da sicht man des kinds mütter /
die gebirt on mans hülff / ist ain
jüctfraw vñ danoch ain rechte nat=
türliche mütter des kinds / Als auch
Paulus Galatas. 4. anzaigt / da er
spricht / gotes sun sey worden auß
ainem weyb / Andere kinder wer=
den geboren von man vñnd weyb /
hie spricht die schrift allain von ain=
nem weyb / Weyb haist hie nit ain
frawen die ain man erkent / sonder
bedeut ain weyblich bild / gibt zū
uersteen / wie dise gebürt on alles
zūthun ains mans geschehen sey.

Zum andern / da gott dem Abraz
ham verhieß Christum den rechtē

Gala. 4.

Weyb

Messiam / Gen. 22. sprach er in dei- Gen. 22.
nem somen sollen alle haiden gebe-
nedeyet werde / Maria kombt leip-
lich von Abraham vnd David / vn-
Christus kombt vo Maria leiplich /
vnd ist der selb Abrahams sun / dar-
in alle volcker gebenedeyet werden.

Gala. 3. Hier auß volget das Was Gala. 3.
ria ain raine jungfraw ist / dann
soll ir sun Christus ain gesegneter
sun sein / der alle vermaledeyung
hinweg nem / warlich so kan er nitt
von ainem man geboren sein / ware
er von ainem man so war er natur-
licher weyß geboren / vnd ware ain
Adams kind / sein geburt ware bes-
steckt mit sund / Nu ist er allain ain
frucht ains weibliche leibs / nit ains
mans / flaisch werck vnd gebenedei-
ung stond nit bey ainander.

Zum dritten / spricht der gaist gottes durch Esaiam am. 7. capit. Got wirt euch selbs ain zaichen geben / sich ain magt ist schwanger vñ wirt ainen sun geberē zc. Der Hebreisch text hat halma / das ist ain magt / nit wie ain dienst magt / sonder ain jung weibsbild / das noch kain man hat vnd ain frantz treget / die noch unbesleckt ist / dz ist auch nichts anders dan ain jungtfraw / also nennet man Mariā die müter gottes / ain raine magt / das ist ye ain juncfraw / als die Juden selbs nit leügen mögē. Also ist sie ain juncfraw vor der gepurt vnd in der gepurt / laß dir genüg sein der Euangelistē Matthei vnd Luce zeügnuß / die nennē Mariam ain jungtfrawē / vnd fieren den spruch Esaiē. 7. auff

Marienn. Das sie aber auch ain
jungtfraw sey nach der gepurt all-
weg beliben / willich eben mit der
schrifft bewären / darmit der ketzer
Heluidius wider hieraus hat wöl-
len probieren / sie hab nach dem erst
gebornen Sun bey Joseph Kinder Math. 1.
gehabe. Mathens. 1. spricht / Joseph
erkent sie nit / bis sie iren ersten sun
gebar. Die wollen die vnersten-
digen (die die art der red nit mer-
cken) heraus ziehen / sie hab nach
mals meer kinder geboren / aber ich
sag ermiss die vmbständ bas / der
Euangelist stelt vnns ain grosses
wunder für die augen / nämlich /
das ain Jungtfraw ee schwang-
er wirdet / dann sie der mann zu
haus fieret vnd beschlaffet / vnd er
sie nit erkät bis sie vor ain sun hat /

C iiii

den sie doch haben solt / wann sie vor
von im erkant wer nach gemais
nem lauff / vnd ziehen sich S. Mat.
wort nit auff das was nach der ge-
purt geschehen / sonder auff das das
vor der gepurt geschehen ist.

Ain solliche art zureden ist ainem
verstendigē nit selzā. Man spricht
die richter habenn den armen man
verurteilt ee vnd sie den handel er-
kant haben / also spricht das Euan-
gelium. Es fand sich dz sie schwang-
er was / ee dan sie mit ainander zu
haus sassen / hie ist s souil als on alle
erkantnuß der sach / das es nie dar-
zu kommen sey das man die sach er-
kente. Also volgt auch nit auß dem
andern das Maria hernach von
Joseph erkant sey / sonder es volgt
das sie nie erkant sey.

Item Gen. 8. braucht Moses ge- Gen. 8.
leich ain solliche weiß zureden / der
Kapp flog hinauß vn̄ kam nit wiz
der biß das die wasser auf erden ab
giengen / hie wil der text der Kapp
sey gar nimmer widerkōmen / Also
volgt in obgeschribnen reden Was
thei nit / das Joseph Mariam nach
mals beschlaffen hab / sonder gleich
eben das widerspil / das er sie her-
nach nimmermer erkant hab. Die
zeitlich gepurt Christi hatt Esaias
am. 9. capit. weißgesagt. Es ist vns Esaie. 9.
ain kindlin geboren / vnd ain sun
ist vns geben / des fürstenthumb ist
auff seinem rucken / sein nam wurde
sein der wundbarlich rat / der starck
got / ain fürst des frids / besich auch Esaie. 11.
das. 11. capitel Esaie.
Histori der gepurt / besich Luce. 2. Luce. 2.

C v

Miche. 5.
Math. 2.

wie Maria die jungkfraw d; kind
lin zu Bethleem geboren hat / als im
gayst der Prophet Micheas am. 5.
ca. gesehen hat / Also spricht Mat-
heus am. 2. capit. vñ du Bethlahem
im jüdischen land / bist Kains wegs
die klainst vnder den fürsten juda /
dañ auß dir sol mir kōmen der hers-
zog der über mein volck von Isra-
ain herz sey.

Der vierdt artickel.

Der gelitten hatt vnder Pontio
Pilato / gekreütziget / gestorben vnd
vergraben.

Das ist der väterlich will gottes
gewesen / das sein angeborner sun
Jesus Christus für vns am kreütz
sturb in menschlicher natur / auff
das er die kinder gotes so zerstrōmt

waren zůsamen samlete. Johān. 11. Iohān. 11.

Das ist der vāterlich befelch gewes
sen / das gottes sun mit seinem vn-
schuldigen tod vnsern tod erwirgt /
das hat Christus sein zwōlff jung-
ern auff dem weg gen Hierusalem
vorgesagt. Math. 20. Math. 20.

Nembt war
wir gōnd hinauf gen Jerusalē vnd
der sun des menschen wirt verra-
ten werden vnd übergeben den für-
sten der priester vnnd schrifftgeler-
ten / die werden in verdammen zū
tod / werden in überantworten den
haidē zūuerspōten / vn̄ zūgaiseln / vn̄
zūtreützigē / vn̄ am dritten tag wirt
er wider aufersteen. Luce. 18.

Luce. 18. spricht
Christus zū sein̄ jungern / nēbt war
wir gend hinauf gen Jerusalē / vn̄
es werden alle ding volbracht die
geschriben seind durch die Prophe-
ten vom sun des menschen.

Die Propheten haben gar fein
vnd fleissiglich beschriben den tod
Christi/so eigentlich alle ding das
sie offte antzaigē die gatūg der pein/
als von dörnen/gaisel/backenstrais
chen/vom creütz/das man vñ sein
roß gespilt hat / das man im essich
oder mirren zütrinken geben hatt
vnd deren noch meer.

Im alten testament/besich zeüg
knus. Wan finde offt im alten tes
tament die wörtlin pact / bündts
nus / Testament/dardurch bedeüt
ward / das got in menschlicher nas
tur wurd sterben / dazü würt sein
leiden vnd tod klarlich antzaigt.

Esaiē.
Hiere.
Treno.

Esaiē. 2. 10. 11. 41. 46. 49. 50. 53. 63.
65. Hiere. 11. 18. 23. 31. 33. Threnorū.
3. 4. da spricht Hiere. Christus ist
gefangen worden in vnsern sündē.

Baruch. 5. Ezechiel. 17. Osee. 6. 13. Baruch.
Johel. 2. Amos. 8. Jone. 2. Miche. Ezech.
2. 5. Abacuc. 2. Aggei. 2. Zacharie. 9. Osee.
12. 13. 14. David Psal. 40. 37. 54. 21. Johel.
68. vñ in andern auch / ich will dich Amos.
in die schrift füren allain / das du Ione.
selbs auß dē lauterē brunnē trinkst. Michee.
Abacuc.
Aggei.

Sonderlich besich das. 53. capit. zacharie
Esaie. wie schön der Prophet da David.
selbs die historien des leiden Christi Esaie.
vñnd auch frucht des selbigen bes
schreibet.

Im neuen Testament:

Yetzund besich die Euangelistē / Math.
Mattheum vom Passion / am. 26. Marc.
27. 28. ca. Marcum. cap. 14. 15. 16. Luc.
Lucā. 22. 23. 24. Johannē. 18. 19. Johann.
20. Da wirst du finden wie fein die Actu. 1.
propheceiē erfüllt seind / vñ die Euā
gelistē mit dē prophetē cōcordiern.

Actu .1.2.3. 4.5. 7. 10. 13. 17. 20. 26.

Zeügknus der Apostel.

Roma.

Paulus Roma. 1.3. da er antzais
get wie wir erlöfung haben durch
das blüt Christi. Roman. 5. da wir
feind waren / seind wir gott wider
versünnet durch dē tod seines suns.
Itē Roma. 6.8. Christus ist gestor/
ben für vns. Roma. 14.15.

Corinth.

Zun Cor. 1. Corin. 1.2.6.8.10.11.15.
2. Corinthio. 4.5.13.

Galatas.

EPhe.

Philip.

Galatas. 1.2.3.4.6. Ephese. 1.2.5.

Philippē. 2. zaigt Paulus an wie
sich gotes sun von höhe seiner maie
stet genidert hab umb vnser hays
willen / biß in den verschmechtē tod
des kreütz. Philippen. 3.

Colos.

Thes.

Timoth

Tit. Hebr.

Colossen. 1.2.3/1. Thessa. 1.2.4.
5/1. Timo. 1.2/2. Timo. 1.2. Tit. 2.
Hebre. 1.2.5.6.9.10.13.

Petrus. 1. Petri. 1. 2. 3. 4.

Petri.

2. Petri. 2.

Johannes. 1. Johannis. 1. 2. 3. 4. Iohan

Von 8 begrebnuß bestch Thre.

3. Sie haben ain stain auff mich ge
thon/Psal. 3. 4. 15. Mein leyb wirt
rüwen in der hoffnüg. Itē Esa. 11.

Threno. 3.

Im neüwen testament. Mathei.

Math.

27. Marci. 15. Luce. 23. Johā. 19.

Maci.

Luce.

Die vnermessentliche frucht des
hailsamen tods Jesu Christi/vnnd
den vnendliche verdienst magst du
an obangezaygten orten auch fin-
den.

Iohan

Der fünfft artickel.

Er ist abgestigen zün hellen/ am
dritten tag von den todten auffers-
standen.

Christus ist
vnnser behalter vnd seligmacher/

darumb überwindt er alles dz vnserm
hail widerwertig ist / sünd /
tod / hell / teüfel / durch welchs neid /
der tod in die welt kōmen ist . Chris-
tus ist auch hinab gestigen zu der
hellen / das er den Christglaubigen
allen gewalt vnd list des teüfels vn-
dertrückte / vnd ist wider auff-
standen den glaubigen ain neuwes
leben zugeben / das wir hinfüro vn-
schuldiglich vn götlich leben . Ro.
6. David spricht psalm. 15. du wirst
mein seel oder leben nit in der hell
lassen / Wie ist's klar das er zur hel-
len gefaren ist / dann er spricht nit /
du wirst das werck meiner seel in
der hellen lassen / er sagt mein seel /
das also die seel Christi warhafftig-
lich gen hell hinab kōmē ist nach ir
aignē substantz / nit allain nach dē

Roma. 6.
Psal. 15.

werck. Vnd ob wir schon nie mögñ
eigentlich wissen was dz für ain ab
steigē sei: gen hell/so wöllē wir doch
den Worten des Propheten vestig=
lich vñ treulich glauben / nach dē *Psal. 15.*
er die gebenedeyet seel in die hend
gott seines vatters befolhen hett/
rühret sein hailiger leyb in der hoff
nung / aber die seel ist zu hellen ge=
faren. Ach der barmherzig herz hat
vns alle greüliche ding wöllē über=
winden.

Aufersteung Christi ist ain gross
ser artickel/hatt aller martirer pein
vnd leidē ring gemacht / vñ ist aller
Christen Triumph vnd frolocken/
Sein vrsünd ist vnser from mach=
ung. *Roma. 4.* vnd wirckt auch vn
ser vrsünd glori leibs vnd der seel. *Rom. 4.*
Christus ist erstanden/darüb werz *1. Cor. 15.*

D

Roma. 8. den wir auch ersteen. Ro. 8. Wann
der Gayst des der Ihesum auffers-
weckt hatt in eüch wonet / so wirdt
auch der selb der Christum von tod-
ten erweckt hat / eüwere sterbliche
leib lebendig machen / vñ des willē
das sein gaist in eüch wonet. 1. Cor.
15. Gleich wie sie in Adam alle ster-
ben / also werden sie in Christo alle
lebendig gemacht werden / ain yet-
licher aber in seiner ordnung / der
erstling Christus / darnach die Chri-
stum anhören.

Die sigreich glori der gewaltigen
vristende Jesu Christi / erkläret vñd
macht herlich alles dz vor schwach
vñ blöd was / treibt auß forcht des
grümen tods / erhebt in grosse jubiz-
lieren alle Christglaubigen hertze /

was ist frölicher / dan Christus ist
auferstandē in die ewig glori / er ist
ain mal gestorben für vns / er wirt
hinfuro nimer sterbē / der tod wirt
über in nit meer herrschen Rom. 6.

Roma. 6.

Nun seind wir seine gelider / er ist
vnsrer ainiges haubt / wa nun das
haubt hinkompt vnd regniret da
werdenn auch die gelider hinkom-
men / Das ist vnsrer freud vnd iu-
bilierung / darumb spricht Paulus

Eph. 2. 4.

1. Thessaloni. 4. Die Christen sol-
len sich vnder ainander mit sol-
lichen reden trösten / es seind war-
lich / trostliche wort allen rechtges-
laubigen.

1. Thes. 4.

Es ist ye ain Summa des Euang-
geliums / Christus ain König der
glori / ist vns geborenn vnd ges-
ben / wir habenn sünd vnd tod /

D ü

Rom. 8.

Er aber hat fromkeit vnnnd leben /
glaubst du in in / so ist sein gut dein
gut / sein vrsende dein vrsende / vñ
ist auch dein was er durch den freu-
denreichen triumph seiner vrsende
gewirckt hat / Gott hat vns sein sun
geben vnd alle ding mit im. Ro. 8.
Was hatt er durch die vrsende ge-
wirckt: warlich grosse ding / Er hat
die sünd zerstört / gerechtigkeit er-
weckt / den tod abgetilget / das leben
widerbracht / die hell überwunden /
vnnnd ewige glori geben / Darumb
singt die kirch mit grosser freud /
nit on erleichtüg des hailigen gays-
tes / Christ ist erstanden / vnd wär
er nit erstanden so wär die welt zer-
gangen.

Im alten Testament ist die vrs-
sende Christi prefigurirt durch de

prophe. Jonā / Jone. 2. Er lag drey Ione. 2.
tag vñ drey nächt im leyb ains seer
grossen vischs / darnach ward er er
ledigt / Als Christus selbs einfürt.
Mathei. 12. Die schriftgelerten vñ Math. 12.
phariseer wolten nun ain zaychen
von jm sehen / da sprach der herz zu
inen / Die böß vnd eebrecherisch art Luce. 11.
sücht ain zaychen / vñ es wirt ir kain
zaychen geben werden / dann das
zaychen des propheten Jonas / dan
gleich wie Jonas was drey tag vnd
drey nächt in des walfischs bauch.
also wirt des mensche sun drey tag
vnd drey nächt sein mitten in der er
den / vnd Johannis. 2. redt er auch Iohan. 2.
von diser seiner vristende vñ spricht.
Zerbrechend den tempel so will ich
in in drey tagen wider auffrichten.
Da redet er von seim aignen leyb /

oſee. 6. beſich darvon weiter Oſee. 6. vñnd
Pſalm. 3. 4. Ich hab geſchlaffen vñ
bin auſferſtanden das würt Chriſt
Pſal. 15. ſto zugeſchribē / Du wirſt mein ſeel
oder leben nit in der hellen laſſen /
vñnd wirdeſt nit leiden das dein hailig
verweſe / Die ſaigt David klar
an die leiblich vñſtend Chriſti. Dan
Chriſtus wirdt in der ſchrift eig-
entlich allenthalb genent d̄ hailig
gotes / vñnd ſo er ſpricht / du wirſt nit
laſſen / dz iſt ſo vil geredt / du wirſt
ſie eylends heraus fieren / Item du
wirſt dein hailigē nit laſſen verwe-
ſen / dz iſt du wirſt eyle mich herfür
zubringen widerüb zu dem leiplich
en leben. Die übung in der biblia /
wirt dir des gleichē mer fürbringē.
Zeügknus des newen teſtaments
Math. 20. Matthei. 20. Er wirdt am dritten

tag wider aufferstecken / das ist dotes
wort kan nit fälen. Marci. 10. Luc.
ce. 18. Mathei. 28. Marci. 16. Luc.
24. Johannis. 16. 14. 20. Actu. 1. 2
3. 4. 5. 10. 13. 17. 24. 26.

Marci.
Luce.
Math.
Iohan.
Actu.

Paulus.

Roma. 1. 4. 5. 6. 7. 8. 10. 14. 15.

1. Corinth. 6. 15 / 2. Corinth. 5. 13.

Galatas. 1. 3. 4. 5.

Ephe. 1. 2. 4.

Philip. 1. 2. 3.

Colossen. 1. 2. 3.

1. Thessalo. 4. 5 / 2. Thessa. 1. 2. 3.

1. Timoth. 1. 3 / 2. Timoth. 1. 2.

Titum. 2.

Hebre. 1. 2. 4. 6. 7. 9. 10. 13.

Petrus.

1. Petri. 1. 3. 5.

Johannes.

Roma.
Cor.
Gala.
Ephe.
Philip.
Colos.
Thessa.
Timoth.
Titum.

Hebre.
Petrus.

Iohannes.

1. Johannis. 1. 2. 4.

D iij

Der sechßzt articfel.

Er ist auffgestigen in hymel / da
sitzt er zur gerechten seins allmech-
tigen vatters.

Christus ist auffgestigen zu hy-
mel / nit das das ewig wort das got
selber ist vorhin nit im hymel sey ge-
wesen / Dieweil das wort allweg im
himmel ist / vnd beleibt im vatter / vn̄
ist wesentlich / gewaltiglich vnd ge-
genwürtiglich an allen orten / aber
der menschait nach zureden / spriche
man das er gen himel gestigen sey /
die selb ist vor nie im himel gewesen
vmb des willen / das göttlich vnd
menschlich natur so innerlich in ei-
nigkeit der person veraint seind /
brauche man solliche vnd der gleich-
en weiß zureden. Er sitzt zur rech-

ten hand gotes / dz ist er ist von got
gesetzt ain künig vñ gewaltiger herr
über alle güter gottes im hymmel/
hell vnd erden / darumb ist er mäch
tig gnüg seinen gelaubigen in allen
nöten zūhelffen.

Zeügknus des alten testaments. Psal. 67.

Psal. 67. Datt der Gayst gotes den
herlichenn Triumph der auffart
Christi fein beschriben vnd spricht.
Er ist auffgefahren in die höhe / vnd
hatt gefangen gefiert die gefeng
knus / vñ hat den mensche gabē ge
ben / Christus ist gen himel gefaren
durch aigen Krafft der gothait vnd
glorifficierten menschehait / hat da
selbst vom vatter allen gewalt vnd
eer über all creatur empfangen /
den hailigē gaist herab gefiert mit
dem schatz allerlay gaben / durch

D. v.

welchen on forcht krefftiglich das
Euangelium ist gepredigt worden
vnd die welt bekert.

Der böß feind hett die menschen
gefangen / dann sie waren all sün=
der / er hat sie got irem herzen arg=
listiglich empfiert vñ in sein reich
der finsternuß gefieret / das ist ins
greulich reich der sünd vñ des tods.
Aber es ist noch ain sterckerer kom=
men. *Luce. ii.* Der starck Leo vom
Luce. ii. geschlecht Juda / ain rechter sigba=
rer / starcker Samson / ain über=
winder tod / sünd vñnd hell / vñnd
hat dem teüfel ain gewaltigen ein=
bruch in sein reych thon / vñnd als
ain künig der glori / die porten der
hellen zerrissen / den teüfel berau=
bet / vnd hat den Fürstlichen raub
mit dem Triumph des Creützes /

ein herz des lebens vnnnd aller ding
widerbracht / also das alle die so in
Christum glauben / sollen vom ge-
walt der sünde / tod vnnnd Teüfel
erlöset sein / Besich weytter den. 23.
Psalmen / Item Psalmo . 46. 17. *Psalm. 46.*
vnnnd. 109.

Zeügnuß des neüwen
Testaments.

Matthei. 26. Ir werdet den sun
des menschlichen sehen / sitzend zü der
gerechten der krafft. *Math. 26.*
Matthei. 22. *Math. 22.*
Marci. 16. Er ist empfangen in hi- *Marci. 16.*
mel / vnd sitzt zür rechten gotes.

Item Luce . 24. *Luce . 24.*
Johannis. 16. *Johan. 16.*
Ich gannng hin zü dem vatter. *Johan. 14.*
Johannis. 14. *Actu. 1.*
Actu. 1. Steet die Hi-
stori der auffart gar schon beschri-
ben. *Actu. 2.*
Actuum am. 2. vnnnd. 5. capitel

spricht Petrus. Der got vnser herr/
hat Jesum aufferweckt / welchen ir
erwirgt habt / vnd auff das holtz
gehengt / den hat gotes rechte händ
erhöcht zu ainem Hertzogen vnd
hailand / zugebē Israhel die büß vñ
ablaß der sünd.

Roma.

Paulus. Roma. 8. Er ist zur ges
rechten gotes vnd vertritt vns.

Ephe.

Ephe. 1. Hast du ain schöne zeüg
knüß spricht Paulus / got hab Chri
stum vom tod erweckt vnd gesetzt
zu seiner rechten im himlischen wez
sen / über alle fürstēhumb / gewalt /
macht / herrschafft / vnd alles was
genant mag werden / nitt allain in
diser welt / sonnder auch in der zu
künftigen / vnd hat alle ding vnder
seine füß gethon / vnd hat in gesetzt
vor allen dingen zu haupt der kirch /

en/welche da ist ain leib vñ erfüllung
des der alles in allen erfüllt / Ephe. 4.
4. fiert Paulus den spruch. Psalm. 67.
67. Er ist aufgefaren in die höhe / vñ
hat gefangē gefürt die gefentnuß /
vnd hat den menschen gaben gebñ /
das er aber aufgefaren ist / was ist es
dan das er zu erst hinunder gefarn
ist in die vnderste ort der erden / der
hinunder gefaren ist das ist der selb
der aufgefaren ist über alle hymel /
auff dz er alles erfüllet / besich Phi
lippen. 1. in was höhe oder würdig
keit er gesetzt sey / Colo. 3. Hebre. 1.
4. 7. 9. 10.

Petrus / 1. Petri. 3. Christus ist zu
der rechten gottes in den himel gef
faren vnd seind im vnderthon die
Engel vñnd gewaltigen / vñnd die
kressftigen. 1. Johannis. 2.

Ephe. 4.
Psalm. 67.

Philip.
Colos.
Hebre.

1. Petri. 3.

1. Iohann. 2.



Die zwen artickel / vrsende vnnd
auffart Christi / merck wol es ist gro
sser trost darinnen / Dan glauben
das Christus von todten erstanden
gen himel gefaren sey / vnd sitze zur
gerechten gottes / ist nichts anders
dann glauben / das Christus mit
seinem Tod den ewigen tod über
wünden / vnnd den strengen zoren
Gottes gegen vnns auff sich ge
nommen / abgelegt vnd vnns seinem
himlischen vatter wider versünet
hab. Roma. 5. vnns sein vnschuld mit
tailt / das der tod wed über in noch
über seine außerkome gelider hin
füro meer herrschen werd / das wir
also durch sein vrsende ain grosse
frucht empfangen haben / nämlich
ablaß der sünd. Roma. 4. Zur rech
ten gotes sitzen / ist im gewalt vnd

Roma. 5.

Roma. 4.

reich sitzen als ain herz. Johannis. 16. Iohan. 16.
16. Aller gewalt im hymel vñ erden
ist im geben. Mathei. 28. Got hatt Math. 28.
alle ding vnder sein fuß geworffen
Ephe. 1. Er ist yetz vor dem vatter Ephe. 1.
mitler vnd versünung. 1. Johān. 2. 1. Iohan. 2.
Durch in haben wir ain sichern zū
gang zum vatter. Ephe. 2. Er hatt Ephe. 2.
das ewig priesterthumb / lebt ewig-
lich / mag volkōmenlich selig mach
en alle die so durch in zū got gōnd.

Der sibend Artickel.

Von dannen er zukünfftig ist zū
richtē die lebendigen vñ die todten.
Das wirt geschē am jungstē tag /
der ain frōlicher tag sein wirt aller
Christglaubigē / als Christus selbs
betzeügt. Lu. 21. da er die zaichn vñ Luce. 22.
vorbotten des jungsten tags erzele

het seinen jungern / sprach er / wann
die ding geschēhē so secht übersich /
erhebt euwere haupter / dan euwer
erlösung nahet sich / Die redt er vō
den seligen / die werdē des jungsten
tags fro sein / auff das vnser got lez
sterig leben ain end hab / vnd Chri
stus in allen seinē gelidern gloriffi
ciert werd / wer wolt seiner erlösug
nit von hertzen fro sein / Wellicher
durch den gaist des glaubens ver
steet das groß ellend diß zergeng
lichē lebens / vñ die gots lesterung
die durch vnser sundigs leben im
flaisch täglich geschicht / der frewet
sich dz diß ellend bald auffhōr / Aber
die Gottlosen die Paulus geschirr
oder gefeß des zorns nennet / dar
an gott sein strengs gericht erzai
gen wirdt / die wolten das dis zeit

Rom. 9.

lich leben ewiglich werete / sie ließ
sen got sein himelreich gern allain /
D wie erschrecklich wirt den selben
sein d̄ anblick Ihesu Christi / d̄ mit
solcher grosser glori v̄nd maieſtet
sich ertzaigen wirt am jungſt̄n tag
allen menschē / engeln v̄nd teufeln /
sein erste zukunfft ist vnachtbar v̄n
schlecht gewesen vor d̄ welt augen /
Aber dann / so im got der vatter all
sein feind in ain solliche grausame
ewige / v̄nerleidenliche / pein v̄nd
straff ergeben wirt / v̄n alle gelider
Christi von allem mangel v̄nd biez
sten / in alle volkommenhait / freud
v̄nd glori on end in aller sicherhait
gesetzt werden / Warlich hie wurde
er auff kainer eslin meer in senſſe
müchtigait reitten / kain bresten mer
ertzaigen / sonder alle herlichhait /

Zachā. 5.

Esaie 102.

¶

Da wirt der groß tag ges herzn vor
der thür sein / der tag des zorns / der
tag der trübsal vnd angst / der tag
der finsternuß / der tag des nebels /
vnd der windsbraut / d tag des hörn
horns zc. wie der Prophet Sopho-
nias schreibt.

Er wirt kōmen die lebendigē zu
richten / so erfunden werden vñ tod
ten die gestorbe seind. Ciprianus od
Ruffinus maint die lebendigē sey-
en die seelen / die toten seien ire leib /
Dieweil aber Paulus. 1. Thessa. 4.
spricht / dz am jungsten tag / wir die
leben vñ überbleiben werden / zu ge-
leich mit den todte hingezuckt wer-
den in den wolcken / dem herren ent-
gegen in dem lufft / vñ werden also
allzeit bey dem herre sein / warlich
so möcht man gedenckē / dz etlich les

bendig zügericht verzücht werden /
also hie auch Hieronimus spricht /
welche in Christo verstorben seind /
die werdē zü erst aufersten / welche
hailgen aber lebendig gefundē wer
den / werden mit den ersten zügleich
hinzücht werden / Augustinus im
22. büch von der stat gottes am. 22.
capitel spricht / das Paulus hie in d
epistel zü den Thessalonichern sich
selbs vñ die zü seiner zeyt gelebt ha
ben genēt hab / aber er hab gemaint
die so Christus am jungsten tag leb
bendig findē wirt / Er maint auch
das die so lebendig in die lüfft verz
zücht werden entgegen Christo dem
herzen / die werden gleich zü mal in
dem selben verzüchten sterben vñnd
wider auffersteen / als er auch sagt
in ecclesiast. Dog. am. 6. vñnd. 7. ca.

¶ ij

wie nū das zūgang wōllen wir gott
befelhen / es ist nit not das wir es
wissen.

Zeügnuß dis artickels
auß der schrift.

Malachie. 3. beschreibe d̄ Prophee
die zūkunft Christi vñ das gericht.

Danielis. 7. zeige die schrift auch
an die zūkunft des menschen sons /
vom gericht / Item von seinem ge-
walt vñ reich / wie sein gwalt ewig
sein werd / vñ sein reich nit zerstört /
als auch Lucas schreibet Luce. 1. vñ
Michaeas am. 4. cap. Mathei. 24.
stat beschriben die annder zūkunfte
Christi / er spricht / gleich wie d̄ blitz
außgeet vom aufgang vñ scheinde
biß zum nidergang / also wirt auch
sein die zūkunft des mensche suns /
dann werden heülen alle geschlechter

Luce.
Michee.
Math.

auff erden vnd werden sehen kom-
men des menschen sun in den wol-
cken des hymels mit grosser krafft
vnd herlichhait / vnd er wirt sendē
seine engel mit hellen pusaunen / vñ
sie werdē samlen seine außeweltē
von den vier winden / von ainē end
des himels zū dem andern. Marci.

Marci. 13.

Luce. 21.

Math. 26.

13. Luce. 21. Matthei. 25. 26. vñ. 19.

Paulus.

1. Thessaloni. 4. / 2. Thessalon. 2.

1. Thes. 4.

2. Thes. 2.

1. Corinth. 4.

2. Cor. 4.

2. Tim. 4.

Item. 2. Tim. 4. Ich bezeug vor

got vnd dē herzen Jesu Chzisto der
da zükünfftig ist zū richtē die leben-
digen vnd toten / bey seiner erschei-
nung vnd seinem reich. Rom. 14.

Roma. 14

Wir werden alle vor dem gerichtes-
stul Christi dargestellt werdē / nach
dem als geschriben steet. Esai. 46.

℞ iij

Esaie. 46 So war als ich leb spricht der herr /
mir sollen alle knie gebogen werdz
2. Cor. 5. en 2c. Item. 2. Cor. 5. Wir müssen
alle geoffenbaret werden vor dem
richterstul Christi / auf dz ain yetliz
cher empfach an seinē leib nach dem
er gehandelt hatt / es sey gütt oder
böß.

Petrus.

1. Petri. 4. Welche werden rech-
enschafft geben dem der bereit ist
zurichten die lebendigen vñ todten.

Actu. 10. spricht Petrus. Christus
hat vnns gepotten zurpredigen dem
volck / vnd zeügen das er ist verord-
net von got ain richter der lebendi-
gen vnd der todten 2c.

Der acht artickel.
Ich gelaub in den hailigen gaisst.

Nie sprichst du in den hayligen
Gayst / damit du bekennest das der
hailig gaist got sey / dan in ain ding
glauben / ist sein vertragen / hoff-
nung vnnnd liebe darein setzen / das
ist ain eer die allain der Göttlichen
maiestet gebürt.

Der hailig gaist ist die dritt per-
son in der ewigē gotheit / gedet auß
vō vater vñ vom sun vnerfarlicher
vnd vnaussprechlicher weiß. *Math. 28.*
Mathei. 28. spricht Christus / Geet hin /
taufft im namen des vaters / vnnnd
des suns / vnnnd des hailigen gaists.
Nie wirdt gewaltigklich beweiset
die gotheit des hailigen gaists / dan
dieweil er haist im namen des hais-
ligen gaysts tauffen / so muß ich in
den hailigen Gayst gelanben vnnnd
vertrauen / soll ich im dann verz

℞ iij

trauwen vnd glauben / so muß er
auch gewißlich got sein / dann man
soll niemants vertrauwen vnd ges
lauben dan allain got.

Gen. 1

Gen. 1. Der gaist schwebt auf dem
wasser / da gibt Moses dem haili
gen gayst sein werck zu in der schö
pfung.

Psal. 32

Psal. 32. Der hymel ist gemacht
durch das wort gotes / vnd durch
den Gayst seines munds ist alle sein
herrschaft gemacht / das ist der him
mel ist durch den hailigen gaist ge
macht vnd was darin ist / die wort
geben klarlich dz er gott ist / dieweil
im die erschöpfung zugeschriben
wirdt.

Psal. 31

Psal. 31. Wa soll ich hin geen
vor deine gaist / od wa hin wird ich
von deinem angesicht fliehen / da

gibe er zūnersten das er allenthalb
sey / an allen enden sein gehört als
lain got zū / kainer creatur / als Da
uid sagt / steig ich gen himel / so bist
du daselbst / steig ich gen hell so bist
du da ꝛc.

Matthei. 3. Ich hab gesehen den
gaist Gottes herab steigen wie ain
tauben.

Math. 3.

Luce. 1. Der hailig Gayst wirdt
über dich kommen.

Luce. 8

Johannis. 14. Ich wird den vater
ter bitē / vñ er wirt euch ain andern
tröster geben / das er ewigklich bey
euch beleib / den gaist der warhait /
der tröster / der hailig gaist ist / den
der vatter senden wirdt in meinem
namen / d wirt euch alle ding leren.

Iohan. 14.

Item Johannis. 16. Wan ich nie
hingee / so wirdt der tröster nie zū

Iohan. 16.

℞ v

eüch kommen / vñ der gleichē sprüch
mer zaiḡē vñdschaidlich an / die drit
ten person in der gothait / den hay-
ligē gaist. Item Johān. 20. nembt
hin den hailigen gaist.

Actuū. 10.

Actuū. 10. Da noch Petrus redt / fül der hai-
lig Gayst auff alle die / die höreten
die red.

Actuū. 8. Sie baten für sie / das
sie den hailigen gaist empfiengen:
Paulus.

Roma. 5. Die liebe ist außgossen
in vnser hertz / durch den hailigen
gaist der vns geben ist.

Roma. 15.
1. Cor. 13. Item Rom. 8. 15 / 2. Corint. 13. Die
genad des herzen Ihesu Christi / die
liebe gotes vñnd die gemeinschafft
des hailigen Gaystes sey mitt eüch
allen.

Die grosse maiestet/ vnd den ab-
grund der vnerfarlichen grösse got-
tes / in seinem wesen vnd perso-
nen/ sollen wir mit höchster demüt
anbeten/ vnd nit wollen ergründē/
dañ menschlich vernunfft waist es
nit/ vnd sol es auch noch nit wissen.

Gott hat alle ding gethon vnd ver-
ordnet das wir from vnd selig wer-
den/ Christus hat mit seinem hail-
samen tod verdienet das wir selig
werden/ Der hailig gaist volstreckt
nun den verdienst Christi/ auff das
wir from werden/ vnd das ist eben
sein ampt/ das er Christum vñ alles
was Christus hat recht an leg/ vnd
dir in das hertz geb als deinen eig-
nen schatz / Summa / soll ich zum
pater Komē durch Christū/ sein lebē

leiden vnd was er vmb meinet wil
len thon hat / soll ich sollicher güter
tailhaftig werden / warlich so muß
zūvor d̄ hailig gaist in mir wircken /
d̄ vatter vñ sun müssen mich durch
des hailigen gaists werck erwecken /
vñ ziehñ / sonst bin ich gaistlich tod /
Der hailig gaist ist dz groß ding da
mit Gott der vatter durch sein sun
Christū vñ in Christo alles wirckt /
vnd lebendig macht.

Der neündt artickel.

Ich glaub ain hailige Christliche
Kirche / ain gemeinschaft d̄ hailigē.

Die zway stuck sein ain ding dan
die hailig / gemain Christlich kirch
ist nichts anders dann die gaistlich
versamlung der hailigen / der frōs
men glaubigen menschen auf erdē /

sie seyen auff erden wa sie wöllen/
es ist auch eigentlich nit ain versam-
lung ebē an ain ort gebunden/sond
ain versamlung in ain gelauben/
hoffnung vnd liebe des gaists.

Der hailig gaist hat dise kirchen
durchs wort gotes versamlet/er er-
helt vnd regiert sie/ die kirch wurde
täglich in den hochwürdigen Sac-
ramenten vnd in dem wort gottes
gemeret als in irer speyß.

Die kirch ist ain brant od sponß
Christi / Paulus spricht Ephese. 5.
Christus hat sich selbs für sie geben/
auff das er sie hailigte/vnd hatt sie
gerainiget durch dz wasserbad im
wort / auff das er im darstellte ain
herzliche gemain / die kain flecken/
mackel oder runtzeln hab/sonnder
das sie hailig sey vnd vnsträfflich.

Eph. 2.

Ephc.5.

Gene.1.

Osee.2.

Verainigung des mans vnd der
frauen im stand der ee / bedeüt sol
che gaistliche ee zwischen der Christ
lichen kirchen vñ Christo irē gemah
hel / als Ephe.5. gar fein angezaigt
wirt / Gleich wie man vñ weib ain
leib seind. Gen.1. alle güter gemain
habē / alles was Christus ist vñ hat
das ist ain groß / frölich / selig ding.
Wir haben sünd / tod / hell / schand /
Christus hat gerechtigkeit / leben /
das hail vnd eer / das wirt nun vn
ser / so wir durch den gemahel ring
des gelaubens Christo vermähelt
werdē / ain leyb mit im / Also spriche
der Prophet Osee am andern capi.
Vnnd ich will dich mir vermäheln
in die ewigkeit / vnnd ich will dich
mir vermähelen in der gerechtigkeit
/ vnnd im gericht / vnnd in der

Barmhertzigkeit / vnnnd erbärm-
de / vnnnd ich will dich mir vermäh-
helen im gelaubē / Dañ Christus ist
nit allain durch sein mēschwerdūg
aygenntlich vnnnd vollkommenlich
der kirchenn Breütigam worden /
Sonnder auch durch das / das sein
Kirch durch den gelauben seinem
pactt verwilligt hat / Der ain spöß
oder vertraute hatt / der ist ain
Breütigam / Johannis am dritten *Johan. 3.*
capittel / Die verwilligung mache
ain ee / vor der verwilligung wir-
det er nit Sponsus genennet /
Darumb sein außgannng als aines
Breütigams (daruon David redet
am achtzehendenn psalm) ist sein *Psalm. 118.*
eroffnūg in den glauben d̄ kirchen /
dz ist da er geglaube wordē ist vō d̄
Kirchē / da ist erschinē das er ain ge

spöß sei/Er ist angethō mit d̄ mēsch
hait/vñ also mit d̄ kirchē veraint in
ain flaisch/dz der Apostel ain groß
geheim nennet / darin̄ überain kō-
men seind/der reych vnd der arm/
der from̄ vnd der sūnder / der s̄lig
vnd der verdamp̄t / der sin der ges-
naden/vnd der sin der trūbsal/Dz
ist ain grosse barmhertzigkeit got-
tes/dz er d̄ kirchen spons̄ genentist/
dan̄ hie sein vns alle seine gūter zu
aigen geben/ vñd all vnser armue
vnd bresten hingenommen.

1. Cor. 3.

1. Petri. 2.

Ephc. 14.

In der kirchen wonet Christus/
er redt in ir / er ist ir ainigs funda-
ment. 1. Corint. 3. / 1. Petri. 2. In der
kirchen ist ain herz/ ain gelaub/ ain
ain tauff/ ain gott vnd vatter aller
ding / der über alle ding ist / durch
alle ding/vnd in allen dingen.

Wa das Euangelium gepredigt
wirdt / da selb ist ain stuck von diser
Kirchen / sie ist an ir selbs nit sicht-
bar / an kein ort gepunden / dann es
ist ain versammlung im gayst / vnnnd
dz wort wirckt in ir vn sichtbarlich /
vnnnd sie hörets nimmer on frucht /
als Esaias am. 55. ca spricht. Mein
wort das von meinem mund wirt
ausgön / wirt nit zu mir lâr komē.

Esaie. 55.

*Cipri.
de spūs.*

Wie zur zeyt Noe niemands mit
dem leben dauon kam / er ward vō
sündtflüß ertrenckt / er fluch dan in
die Archa. Also wellicher nit erfunden
wirt in diser gemaind od christ-
lichen kirchen ainträchtiglich mit
ir haltend in ainm gelauben / wort /
sacrament / hoffnung / vnnnd liebe /
der wirt verlorē.

Wartion / Valentinus / Hebiō /

S

Therinchus / Manichens / Heluidius
dius &c. vñ der gleichē Ketzer haben
auch ain kirchē / dz ist ain hauffen /
ain aigne rott oder gemain gehabt /
aber es ist nit die Christlich kirch ge
wesen / darin Christus ain gespons
ist / dan sie haben den rechten gelau
ben nit gehabt.

Vnd noch wa solch versammlung
seind die sich außziehē auß der christ
lichen gemain / nit lautern glauben
haben / wie vns die schrift leret / vñ
sich nit wöllen weisen lassen / Das
seind Ketzer / abtrinnig werden all
verloren / es sey dan das sie sich wia
derumb mit der kirchen Christi ver
süenen.

Werd man spricht nit ich glaub
in die hailig Christenlich kirch / son
der ich glaub ain hailige Christ

liche kirch / ablaß der sünd 2c. Dañ
man brauchet das wörtlin in / allain
zü der dreyainigkeit / got vater / got
sun / vnd got hailiger gait.

Was ist gemeinschaft der hay-
ligen? Antwort / dz die Christen vn̄
hailigen solcher weiß zusamen ver-
bunden vnd geaint seind in ain brü-
derschaft / durch dz band der liebe /
die nit das ir sücht. 1. Corin. 13. Das .1 Cor. 13.
alle ding hie gemain seind im güt-
ten vnd im übeln / Der hailigen güt-
ter seind dem auch / helffen vnd trö-
sten dich auch / sie nemen sich deines
übeln an / ainer tregt des anndern
bürde / in erfüllen also das gesatz
Christi. Gala. 6. Da ist grosse hülff / Gala. 6.
trost / beystand / als das sacrament
des altars antzaiget im brot vnd
wein / dañ werden wir von Paulo

S ü

1. Cor. 10. genennet ain brot / ain tranck / ain
leyb / wer den artickel recht glaubt
kan in seiner trübsal vnd anfechtung
nitt verzweifeln / dieweyl er
weiß das Christus vnd all hailigē
als seine brüder auff in sehen / vnd
wer im thut der thut Christo vnd
seinen hailigen / Alle gebet vñ was
güts geschicht in der gantzen Chris-
tenhait / muß mir als ain brüder
diser himelischen Brüderschafft zu
hülff kōmen allzeit / solliche hülff /
trost vnd beystand / verstünd Da-
uid im gaist vñ sprach. Ich bin tail-
Psal. 128. haftig aller deren so dich fürchten
vnd deine gepot halten / Also mögē
wir in aller not wider vnser feind
sprechē / wie Deliseus zu seim knecht
4. Regum. 6. Es seind ir mer mite
4. Reg. 6. vns dan mit inen.

Der zehend articel.

Ich gelaub ablaß der sünd.

Ablaß der sünd ist niendert dann
in der Christlichen gemaind / Chris-
tus hat ir die schlüssel geben. Mat-
thei. 18. Nouatianus ain blind ketz-
er maint wañ ainer ain mal in die
sünd wär gefallen / es hülff im kain
büß od penitētz mer er wär nū ver-
loren. Das verwirfft die schrifft all-
enthalb / zaigt vns die barmhertzig-
kait gotes / rüfft vns allenthalb vō
vnserm sündigen leben zur besse-
rung / Christus spricht Mathei. 11.
Kompt zu mir alle die bemüet vñ
überladen seind / ich wil eüch erqui-
cken / Nun ist ye kain schwerer last
vnd vntträglichere bürde / dan vn-
ser sünd.

Math. 18.
Cipri.

Math. 11.

S ij

Luce. 5.

Math. 1.

Vnd was ist's not dz lang zupro-
bieren / warumb ist sonst Christus
auff erden kommen vnd gestorben /
dan solliche barmhertzigkeit zuer-
zaigen. Er spricht. Luce. 5. Die ges-
sund seind bedürffē kaines artzets /
sonder die franck seind / Ich bin kō-
men zu berüffen die sunder zur büß
vnd nit die gerechten / Vnd Mat-
theus am. 1. ca. / zaiget an sein ampt
vnd spricht / Du wirst sein namen
haissen seligmacher / dann er wirdt
selig machen sein volck von den sün-
den / das geschicht nit dz er die sünd
nun ain mal vergeb / sonder so offt
man sein begert / wie die Prophetē
vnd Euangelisten klar anzaigen.

Zeügknus der schrift.

Exodi. 34

Moses Exod. 34. Herscher her-
got / erbarmmer vnd gütig / gedultig

vnd grosser erbärmdd vn̄ warhaff
tig/der du heltest barmhertzigkait
auff tausent/der du hin nimbst die
boßhait vnd sünd/ vnd ist niemant
bey dir für sich selbs vnschuldig.
Sich wie fein verkündt Moses hie
die gnad vn̄ barmhertzigkait gotes.

Item. 2. Regum. 12. Da David 2. Reg. 2.
ain ebruch miturias frauen be
gangen hett/vnd im sein sünd eroff
net was das er erschreck / zühand
sprach Nathan / der herz hatt dein
sünd hingenommē. Esaie. 1.
Esaie. 1. spricht
got/ werdet gewaschen/seyt rain/
nembt hinweg die boßhait eüwrer
gedanken von meinen augen/hört
auff böses züthün / lernend güttes
thün/ wann dan eüwer sünd werdē
sein wie die rötte/so werden sie ge
weisset wie der schnee/wann sie rott Esaie. 7.

S iiii

werden sein wie ain würlin / so
werden sie sein wie ain weisse woll.
Esaie. 57.

Ezech. 18.

Ezechiel. 18. wann der gottloß sich
bessert vnd wendt sich ab von allen
sünden die er gewirckt hat / vñ helt
alle meine gepot / so wil ich aller sei
ner boßhait die er gewirckt hat nit
mer gedencen. Ezechiel. 36. 33. Jo-
ne. 3. Esaie. 43. Ich bins / ich bins /
der dein boßhait abtilget von meis
net wegen / vnd wil deiner sund nit
gedencen. Besich psalm. 50. 31. 88.
Johel. 2. Christus Matthei. 18. Da
Petrus fragt / wie oft muß ich mei
nem brüder vergeben / ist es genüg
sibē mal / da antwort er vñ sprach /
Ich sag dir nit sibē mal / sond̄ sibē
zig mal sibē mal / vñ gleich auff die
wort sagt er ain gleichnuß / damit

Ezech. 36.

vnd. 33.

Jone. 3.

Esaie. 43.

psalm. 50.

31. vnd. 88.

Johel. 2.

Math. 18.

er vns leret das wir vnserm näch-
sten geren sollen verzeihen was er
wider vns hat gethon / so werd vns
Gott auch geren vertzeihen vnser
sünd.

Luce. 6. Vergebt / so wirdt eüch
vergeben.

Vnd was bedarffs vil / Mathei.
18. Gibt er die schlüssel darumb der
Kirchen das die sünd vertzigen wer-
den / vñ Johannis. 20. Nun besich
die exempla. Mat. 9. spricht er zü
gichtprüchtigē / sun dir werden dei-
ne sünd vertzigen / eben da selbst be-
rufft er Mattheum vom zol. Sein
predig vnd Johannis des tauffers
predig. Mathei. 3. 4. Sahend an der
besserung an / sie sprechend bessert
eüch / das reich der himel nahet sich.
Luce. 7. Absoluiert Christus Mag

§ v

Dalenam von iren sünden.

Luce. 13.

Luce. 13. Berüfft er die sünd zur
besserung / da ain thurn in Siloe
18. erschlagen het sprach er / Wann
ir nit eüch bessert / so werdet ir alle

Marci. 3.

auch also vmbkommen / Marci. 3.
Alle sünd werdenn den sünen der
menschen vertzigen zc. Was will
sonst die widergeburt anders. Jo-
hannis am. 3. die Nicodemus nit
verstünd / dann besserung vnd er-
neüwerung.

Johan. 3.

Johan. 5.

Johannis. 5. Was ainer. 38. jar
franc gewesen / Christus machte in
gesund vñ sprach / Nün war du bist
gesund worden sünd hinfüro nim-
mer / das dir nitt etwas ergers wi-
derfar.

Johan. 8.

Johannis. 8. Absoluiert er dz ee-
brüchig weyblin / sagt / gang hin /

sünd hinfuro nimmer.

Actuū. 2. spricht Petrus / bessert Actu. 2.
euch.

2. Corinth. 2. begert Paulus / dz 2. Cor. 2
man den offnen sinder der im ban
gewesen was / wider zu gnaden an
nem / so er sich bessert hett / Kurtz /
es ist die schrifft sollicher spruch vn̄
eyempel allenth alb vol / das vnns
die sünd vertzigē vn̄ abgetilket wer
den / Der solche rainigūg von sūn
den verhaissen hat ist allmechtig / er
vermags wol zūthūn / er ist vnns
gütiger vatter / darumb will er es
gern thūn / hat vns im vater vnser
haissen bitten / Matthei. 6.

Johannis. 16. spricht er / Begert Math. 6.
Iohan. 16
so werdt ir empfabē / warlich war
lich sag ich euch / was ir den vatter
bitten werdet in meinem namen dz

wirdt er eüch geben.

Der ailffte artickeľ.

Vistende des leybs.

Der artickeľ ist menschlicher verz
nunfft aber zühoch / sie kan mit irē
finstern liecht nit sehen vñ verstōn/
wie eben der leyb widerkōmen soll/
der so manicherlay weiß vmbkōm-
men mag / ainer ertrünck̄t im mōr/
den vertzeren die visch / ainer wirdt
von vōgeln des lufftes / der annder
von thieren oder wūrme gefressen/
oder vom fewr vertzert / hie kan die
natur nit außrechnē / wie eben der
selb leib mit aller seiner materi wis-
der zūsamen gemacht vñnd bracht
werdē mög / das ich eben mein erste
augen / hend / füß vñd gelider habē
werd / wie ichs yetz an mir hab.

Darumb haist es gehaim gotes/
dz man glaubt / nit vor augn̄ sicht /
eben der leyb / damit yetz mein seel
sündet oder vastet vnd gūts wirckt /
wirt am jungsten tag wid̄ erweckt
vnd jm mein seel wider veraint / vñ
werden mit ainand̄ selig gemacht /
oder mit ainander verdampft.

Aber es wirt am leyb ain grosse
verenderung / yetz in dem sterbliche
leben ist mein leyb vnnderworffen
allerlay gebrechen / man mag mich
schlahen / verwunden / der leyb ist
kätig / vnflätig / finster / grob / träg
vnd langsam / brauche vil mǖ vnd
arbeit / ee er von ainem ort zum an
dern kompt / Er ist blöd vnd frant
vnd verhindert die seel offte an irem
werck / Studier ich lang / oder sinn
etwas hochs vnd subtils / bald thue

mir das haupt wee / deren bresten
steckt der leyb vol. Darumb nenne
Platonici. ten die Platonici vnnsern leyb ain
speluncken der seel / vnd den tod ain
erlösung von banden / Aber am iüng
sten tag wirdt der leyb der seligen
mit schönē gaben der glori getziert
werden / Er wirt nit meer vnflätig
r. Cor. 15. sein / sond klar / hell vñ schön / Sa
Sapien. 3. pientie. 3. spricht die schrift / Die ge
rechten werden scheinen vñnd wie
die genaistn im rorach vmlauffen /
Math. 13. vnd Mathei. 13. dan werden die ge
rechten scheinē wie die sun im reich
ires vatters.

Item der leib wirt nit mer träg /
faul vnd langsam sein / sonder ge
schwind / das / wa der gaist wil sein /
daselbst der leyb on vertzug vñnd
lang weil ist / Er wirt nit mer brest

haffe vnd Franck oder schwach sein /
sonder gewaltig vnd subtil / das in
kein leib verhindert od einschleüße /
er mag zu beschlossnen thüren hin-
auß vnd herein.

Item er wirt nit meer zerstörlich
sein / das man in schlagen / verletzn
oder wunden mög / sonder vnuer-
letzlich / wie der sonnen schein.

Die vier gaben der glori / zaiget
Paulus an. 1. Cor. 15. Dartzu auch 1. Cor. 15.
wie ye ainer klärer sein werd dann
der ander / gleich wie ain stern hel-
ler ist dan der ander / Auff solliches
sprach Augustin^o ad Diosterū / got
hat diesel so mächtig gemacht / das
auß ir vollkommenen sälligkeit in leyb
fleüßt ain ewige gesundhait vnd
ain vnzerstörliche krafft.

Paulus hülfte vnserm schwach

1. Cor. 15.

en gelaubē / mit ainem schönen ey-
empel. 1. Corin. 15. von ainm kornlin /
das seet man ins erdtreich vnnnd es
wirt nit lebendig / es sey dan̄ zū vor
gestorben / als dann so wechset auß
dem klainen sornlin ain schönes ges-
wächß / vn̄ ain yetlichs kornlin hat
sein leib / sein natürlich form / ist nū
vil rainer / schöner vnnnd krefftiger
dan̄ vor / Solliches sehen wir täg-
lich in Wirkung der natur / in der
vnempfindlichen creatur / Wiewil
ere / gewalt / güte / weisheit vn̄
kunst leget der schöpffer aller ding /
an die vernünfftigen geschöpft der
menschen / dem er ain gotsförmige
vnsterbliche seel geben hat.

Vorzeiten in der Aquileienser od̄
Carthaginenser kirchen hatt man
disen artickel also gesprochen. Ich

glaub vristende/ebē des leybs. Sich
man hat hinczu gesetzt dz wörtlin
eben des/ auff das vrschaidlich vnd
klar genug anzaigt würd / das nit
ain anderer leyb der dē gleich wäre
aufferweckt oder gemacht würde/
sonder gleich eben der leyb/darinn
ich yetz stee/sitz/gesich/wandel zc.
der sich hie yetz mit der seel in aller
lay guten wercken yebt.

Das zaigt Job gar klar an. Job.
19. da erspricht/ Ich wais das mein
erlöser lebet/vnnd am iungsten tag
wird ich vom erderich auffersteen/
vnd wird wider v̄ngeben mit mei-
ner haut/vnd in meinem flaisch od.
leib wird ich got sehen/den ich selbs
sehen wird vnd meine augen wer-
den in sehen vnd nit ain anderer.

Job. 19.

1. Corin. 15. Eben das verweßlich 1. Cor. 15.

5

ding muß anziehen dz vnuerweß
lich / vnd eben das sterblich muß an
ziehen die vnsterblichheit / das ist
ye klar antzaigt / das eben der leib /
eben die augē werden widerkōmen.

Zeügtnuß der schrift.

Esaiē. 26.

Esaiē. 26. Deine todten werden
leben / vnd deine erwirgten werdē
widerauffersten / Erwachent vnd
lobt / die da in dem gnist oder im fat
ligend.

Exodi. 3.

Christus / da er wid die gottlosen
Saduceer die vstende der todten
probieret / fieret er ein den spruch
Exodi. 3. Ich bin ain gott Abraham /
ain gott Isaac vnd ain gott Ja-
cob. Gott ist nit ain got der todten /
sonnder der lebendigen / Da er die
wort redt / warē die drey vor lang-
est gestorben / dieweil aber sich gots

ain got nent der obgenanten / warz
lich so seinnd sie etwa vnnnd lebenz
dig / Darumb wirt ir leyb vnd seel
zu seiner zeit widerumb zamen ver
aint werden.

Ezechiel. 37. redt die schrift klarz
lich von der gemainen vrsende vn̄
spricht / vnder anderm / das spricht
got der herz / Nembt war ich wird
auffthün eüwere greber / vnd eüch
von eweren grebern herfür fieren.

Ezech. 37.

Daniel. 12. Vil von denen die im
genist der erden schlaffen werden
auffwachen / etlich in das ewig leb
ben / die andern in die schand zc.

Daniel. 12.

Zeügknüß des newen testaments.

Mathei. 22. Da Christus die vrs
sende der leib Probiert / wider ain
Jüdische sectē genant Saduceer.

Math. 22.

Marci. 12.

Marci. 12.

G ü

Matth. 9.
vnd. 27.

Matth. 19. vnd. 27. Die greber
seind eroffnet vnd vil leyb der haili-
gen die geschlaffen habē seind auff
erstanden / vñ sein auß den greber n
gangē in die hailig stat vnd vil men-
schen erschienen / Christus erweckt
Luce. 7. ainer witwen sun. Luce.
Luce. 8. erweckt er vom tod ain maitlin.
Iohan. 11. Lazarum / Paulus.
Actuū. 20. Ain jüngling mit namē
Eutichus.

Iohan. 6.

Iohannis. 6. Niemandts kan zu
mir kōmen der vatter ziech in dan /
vnd ich wird in aufferwecken am
jungsten tag.

Ioh. 1. 11.

Iohannis. 11. Ich bin die vristende
vnd das leben / wer in mich gelaube
wan er schon tod ist / er wirt leben.
Item er sprach zu Martha / dein
brüder wirdet wider auffersteen /

Martha antwort / Ich weiß wol
das er wider auffstecken wirdt / in
der vristende am jüngsten tag.

Johannis. 5. Gleich wie der vater Iohan. 5.
ter die todten erweckt vnd lebendig
macht / also machet auch der sun le-
bendig welche er wil / Der vatter
hatt dem sun gewalt geben auch zu
richten / Es wirdt ain stund kom-
men / in welcher alle die so in greb-
ern seind / werden sein stimm hören
vnd herfür geen / welche guts thon
haben / in ain vristende des lebens /
welche aber böß erwelet haben / in
ain vristende der verdammung.

Actuum. 17. prediget Paulus den Actu. 17.
Atheniensern aufersteung der tod-
ten.

Actuum. 24. Ich glaub allem dz Actu. 24.
im gesatz vnd in propheten geschri- vnd 26.

G iij

ben ist / hab ain hoffnung zu got es
werd ain vristende sein der todten /
der gerechten vnnnd auch der vnge-
rechten. Actuum. 26.

Paulus.

Roma. 6. So wir seind sambt im
vnd. 8. gepflantzte wordē zu gleichem tod /
so werden wir auch der auffersteig
tailhafftig sein / seind wir mit Chri-
sto gestorben / so glauben wir das
wir auch mit im lebē werdē. Ro. 8.

1. Corinth. 6. Got hat den herren
1. Cor. 6. erweckt / vnd er wirt vns auch auff-
erwecken durch sein gewalt / wiße
ir nit das ewere leyb gelider Chris-
sti seind / seind sie dan gelider Chris-
sti / warlich so müssen sie mit irem
haubt glorifficiert werden.

1. Corinthio. 15. Das capittel laß
1. Cor. 15. dir sonderlich lieb sein / darin Paulus

Ius so auß der massen herzlich vnd
maisterlich von der vristend Christi
vnd von der vnsern schreibt / vnd
macht ain Argument. Christus ist
vom tod aufferstanden / ey so wer
den auch wir aufferstecken / Warum
ist er gestorben / wer hat in getödtet
warlich vnser sünd / es hat der va-
ter alle vnser sünd auff in gelegt /
darfur hat er gnüg thon. *Esai. 53.* *Esai. 53.*

Wäre er nun nit aufferstanden so
wäre als vnser ding nichts / wir wä-
ren noch tieff in den sünden vnd
verdambt / Nyemandes wäre er-
mer dann wir Christen / wann wir
allain in disem kurtzen leben vnser
hoffnung in Christu setzten, vn dar-
nach alles auß wäre / die sünd wäre
im zuschwar vnd starck gewesen /

Nun aber ist Christus vom tod auf
erstanden / der Tod thut im nichts
meer warlich / so hat er vnser sünd
vnd den tod überwunden / das sie
vns nit mer mögē übergwaltigen /
er ist ir gewaltiger herz worden / vñ
eben wie sie alle durch Adam ster=
ben / also werdē sie auch durch Chri=
stum selig gemacht / Darumb lassē
vns im herzen frölich sein / vñ vnser
feind / sünd / tod / hell / die ligend er=
nider / Christus regniert gewaltig=
lich / sein reych weret ewiglich /
wa er ist da werden wir auch sein /
Wir seind billich frölich / vñ mit
danckparkeit fraidig in Christo vn=
serm sigreichen herzen / vñ bieten
dem tod trutz / der tod ist verschlun=
den im sig / Der herz spricht o tod /
ich wird dein tod sein / o hell ich wir

Osee. 13.

de dein beisser sein/ Tod wa ist dein
stüpfker/ Dell wa ist dein sig: Gott
sey gedanck der vns sig geben hat/
durch vnsern herre Jesum Christu.

2. Corinth. 1. Das wir nit in vnns 2. Cor. 1.
selbs vertrauen/ sonnder in Got
der die Todten aufferweckt in das
leben.

2. Corinth. 5. Besich ain schöns ca- 2. Cor. 5.
pitel:

2. Corin. 4. Wir wissen das der/ 2. Cor. 4.
der den herren Jesum aufferweckt
hat/ der selb wirt vnns auch durch
Jhesum aufferwecken.

2. Corinthiorum. 13. Wir werden 2. Cor. 13.
leben werden mit im auß der kraffe
gotes.

Philip. 3: Vnser wonung ist im Philip. 3.
himmel/ von dannen wir auch wartē
des hailāds Jesu Christi des herre/

h

welcher wirt verklären den leyb vn
ser nichtigkait / das er gleichförmig
werd dem leib seiner klarhait / nach
der wirküg da mit er kan auch alle
ding im vnderthün.

Colo^f. 2.
vnd. 3.

Colossen. 2. vñ. 3. Seyt ir auffers
standen mit Christo sucht die him
melischen ding.

1. Thes. 4.

1. Thessa. 4. Lieben brüder / wir
wollen eüch nit verhalten von des
nen die schlaffen / dz ir nit traurig
seyt / wie die andern die kein hoff
nung haben / Dañ so wir glauben
das Jesus gestorben vnd widerauf
erstanden ist / so wirdt got auch die
da entschlaffen seind durch Jesum
mit im füren / Dañ das sagen wir
eüch als ain wort des herzen / das
wir die wir leben vñnd über beley
ben in der zükunft des herzen / wer

den denen nit vorkommen die da
schlafen / Dañ er selbs d̄ herr wirt
mit ainem faldgeschray vñnd stym̄
des ertzengels / vñ mit den pusanz
nen gottes herwider kommen von
himmel / vñ die todten in Christo wer
den auferston zu erst / darnach wir /
die wir leben vñnd über beleiben /
werden zu gleich mit den selbigen
hintzucht werden in den wolcken dē
herren entgen in dem lufft / vñ wer
den also bey dē herren sein allzeit /
so tröstet eüch nun mit disen wort
ten vnderainander.

Der zwölffte artickel.

Vnd das ewig leben.

Das leben hie auff erden haisset
ain ellend / dan wir gehören nit hiez
her / da allweg zübeleiben / als Pau

H ij

Hebre. 13. Ius sage. Hebre. 13. Wir haben hie
kein beleybliche statt / sonnder wir
suchen ein künfftige.

Der himel ist vnser vatterlād / da
gehören wir hin in das ewig leben /
Das ist summa summarum aller
begird des menschen / die mit nich-
ten mag ersettiget werden / dann
mit der klaren anschawung vn̄ sich
ern niessung des götliche wesen /
Psal. 16. als David spricht / dann wird ich
ersettiget wann dein glori erscheint.

Die philosophi oder weisen der
welt / haben sich vast bemüet vnd
gesücht / was doch dz sey darin des
menschen hertz on mangel vn̄ bres-
sten ersettiget wirt vnd endelich dar
in rast als in seinem end / darein es
verordnet ist / welchs doch vnser sel-
ligkeit sey / Aber gleich wie sie kain

rechte tugēt durch natürlich krefte /
on genad haben mögen sehen / eben
also haben sie das nit mögen erken
nen / darinn des menschen seligkeit
steet / Ainer hat gemaint gesundt
hait sey das grōst gūt / ain anderer
hat reychtumb darfür gehabt / Et
lich haben tugende die seligkeit ge
nent / Etlich haben seligkeit gesetzt
in drey güter / nämlich güter des ge
lücks / als reychtumb / eer / gewalt /
gütter des leybs / als gesundthait /
schöne / stercke / güter der seel / als
kunst vnd tugende / Aber das blind
licht der natur weißt nichts von
der rechten seligkeit vnd von dem
rechten ewigen lebē / Der gait getz
tes zaiget vns durch die schrift .i.
Johannis .5. Christus ist der war 1. Johan .5.
got vnd das ewig leben. Johan .17. Johan .17.

Das ist das ewig leben / das sie dich
das du allain warer got bist / vnn
den du gesandt hast Jesum Chris
stum erkennen / das ist vnser port /
da lenden wir zu vnd sprechen / hic
ist mein rüw in die ewigkait / das ist
vnser reych darinn vns Christus
manicherlay wonüg züberait hat /
Iohan. 14. Johannis. 14. In das hauß wirdt
er die aufferwölten weysen. Mat
thei. 25. Kommend her ir gesegetn
meines vaters / besitzend das reych /
das eüch züberait ist von anfang
der welt / Das ist die recht seligkait
dauon Matthens am funfften ca
pittel sagt / die recht angeen wirdt
nach dem zeitlichen leben / denē die
in Christum glauben.
Iohan. 3. Johannis. 3. Also lieb hat got die
welt gehabt / das er sein angeborz

nen Sun gab / das ain yeder der in
in gelaubt nit verlorē wurd / sonz
der das ewig leben hab. Die schrifft
redet vom ewigē leben allenthalb. Iohan. 4.
vnd. 5.

Johannis. 4. 5. Warlich warlich
ich sag euch / welcher mein red hort
vnd gelaube dem der mich gesandt
hat / der hat das ewig leben / er wirt
nit in verdammuß kommen / sonder
er wirdt vom tod in das leben gon.

Johannis. 6. 8. 11. Item Johānis
12. Wer sein leben hie auff dis
ser welt hasset / der wirdt es erhalten
zum ewigen leben.

Johān. 14. 18. Actuum. 2. 4. 28. Iohan.
Actuū.
Roman. 6. Der Tod ist der sund
sold / Aber die gab. gotes ist dz ewig
lebē in Christo Jesu vnserm herze.

1. Corinthiorum. 1. 3.

1. Cor. 1. 3.

1. Thessaloni. 4. Allweg werden

1. Thes. 4.

¶ iii

wir bey dē herren sein. Es bedarff
nitt vil schrifft alligierens hie / die
schrifft ist vol zeügknus vom ewig
gen leben / zaiget an wie Gott nach
der zeit wirt sein aufferwöltē geben
ain news ewigs lebē / den verdamb
ten ain ewigs sterben. Was hie das
alt testamēt mit figurē vñ verdeckt
verhaist / das zaiget das new tes
tament an / vñ verhaist mit hellē
worten.

Esaias.

1. Cor. 2.

Von freud vñ triumph des ewig
gen himlischen lebens kan niemāds
schreiben vñnd reden / es übertriffe
weyt alle vernunft / als Esaias
spricht. 5. 64. vñd Paulus einfiert.
1. Corinth. 2. Kein aug hat gesehñ /
vñd kein ort hat gehört / vñd es ist
in kaines mensche hertz gestigen / ds
got bereit hat denē die in lieb habē.

In disen zwölff artickeln ist ange
zaigt was mā vō got haltē soll/was
reichtum der überschwenckliche ge
nad er vns durch sein sun gebē hat.
Er ist vns geboren/gestorben/ver
graben/aufferstanden/sitzet vnns
zur gerechten seines vaters/ ist vn
ser versüner vnd allsament/ er hat
vns erworbe ablaß der sund/vrsten
de/erklärung vnd seligkeit leibs vñ
der seel/vñ das ewig lebē/nit durch
vnsere werck sond durch seine werck
vñ verdienst werde wir from vñ se
lig/ Da geet nun alle schrift her auf
Christū / das man Christum recht
erken den sun gotes / darüb fragt er
Math. 16. seine iunger was sie von Math. 16.
im hieltē/ Antwort Petrus für sich
vñ für die andern / du bist Christus
der sun des lebendigen gottes / auff

¶ v

solche bekennuß (die vns allen not
ist) ist die Christlich kirch gebawen/
1. Cor. 1. also spricht Paulus. 1. Cor. 1. wir pre-
digen Christū die krafft vnd weiß-
heit gotes. Er will auch. 1. Corin. 3.
kein andre grundfest leiden dan Je-
sum Christū / wie er in geprediget
hat / das er vō vatter kōmen sey / in
menschlicher natur die welt erlöset /
am creütz für vns gestorbē / vns auf-
erstandē / vnser haupt vñ herz gese-
tzt zur rechten gottes / zu dem wir
nit auß vnsern wercken / sond auß
genadē durch den glaubē kōmen vñ
selig gemacht werdē. Eph. 2. durch
das gantz Euāgeliū Johan. zaiget
er allēthalb an / dz er selb gotes sun
sey / predigt allenthalb got sein vater
/ dz im die iuden auffhūben vñ
woltē in darūb versteinigē. Jo. 10.

1. Cor. 1.

1. Cor. 3.

Eph. 2.
Johan.

Dan Christus ist kōmen zū lerē der
glaubē/dardurch man ebē in in als
den rechtē sun gots glaube/vn̄ d̄ ge
laub ist ain erfüllūg aller gesatz/er
ist die gerechtait in die ewigkait/
er ist dz werck d̄ magnificētz gotes/
er ist ertötūg des flaischs/erweckūg
des gaists/überwindūg der welt. 1. 1. Iohan. 5.
Johā. 5. überwindūg des flaischs/
überwindūg d̄ hell/die portē d̄ hell
möge in nit überwindē. Matth. 16. Matth. 16.
Kurtzlich/er ist alles in allē/als Jo. Iohan. 8.
8. Wan ir nit glaube dz ichs bin/so
wert ir sterbē in ewer sünd. Joā. 6. Iohan. 6.
welcher in mich glaube stirbt ewig
lich nit. Der apostel schrift ist voller
ler von dē glauben/dan daran ligt
gar/wer nit glaube wirt verloren. Marci. 16.
Johā. 3. Wer in sun gelaube hat dz Iohan. 3.
ewig lebē/Darüb solln wir on vnd

Actu. 15.

laß vñ dē rechtē glaubē bitē / er bring
ger mit im lieb / hofnūg vñ alles gū
tes / d̄ glaub ist nit ain schlechter wō
dē im die natürlich vernūft od̄ will
selbs mög machē / sond̄ es ist ain lebē
dig ding im hertze d̄ dē mēschē vers
newere / d̄ hertz rainigt. Act. 15. er
ist ain solche lebēdige vertrauūg zu
gote / d̄ d̄ mēsch durch solche glaubē
gewis̄ ist über alle gewisse d̄ er got
gefall / d̄ er ain gnedigē got hab / d̄
im gütig sei vñ verzeich in allē ding
en die er thūt. Diser glaub ist d̄ für
nemst werck̄ des erstē gebots / vñ ge
leich wie d̄ erst gebot ain maß / reg
el vñ tugēt aller ander gebot / in wel
chē als in ainē haubt alle gelid̄ lebē
vñ kraft dauō habē / also ist d̄ glaub
ain haubt / lebē vñ kraft aller gütē
werck̄ / also das kein werck̄ güt ist es

habs dan d̄ glaub gewirckt / ja es sei
dan mit dē glauben als mit ainem
neimwen hēfel gantz durchgossen /
was aufferhalb des glaubens ist /
ist eitel sund. Ro. 14. Diser glaub ist
d̄z lieb werck gottes / darvon Johā.
6. Das ist gottes werck das ir gelau-
bend in den dē got gesant hat / Dar-
umb erhaischet die schrift allēhalb
glaubē / im Euāgeli vil mal / Wan
Christus ain miracel thun wolt /
forschert er vor hin ob sie gelaubten
das er sollichs thun mög vnd woll /
Marci. 9. vnd Matthei. 13. spricht
die schrift Christus hab in seinem
haimat nit vil miracel gethon / vō
wegen ired vnglaubens. Matth.
17. spricht Christus die jinger habē
den mōnigē nit mögē gesund machē
von wegen ired vnglaubens / Wa d̄

Roma. 14.

Johan. 6.

Marci. 9.

Matth. 13.

Matth. 17.

recht christlich glaub ist // da ist ain
schöpfung ains newē hertzens / dz
alt Adams hertz hat disen glauben
nit vō jm selbs / er ist ain gotes gab /
Vil sprechē den glauben teglich vñ
berümē sich des hoch / aber wissē nit
was es ist / o er macht ain thätig /
demütig / gehorsam / götlich volck /
dz in got allain vertraut / hofft / in
ob allē dingē liebt / in fürcht / vñ sei-
nem nebē mensche willklich diene
mit leib vñ mit güt / schediget ny-
mants / leidet gerē schadē vñ verfol-
güg / alle seine werck seind geordnet
zū nutz vñ dienst seines nächstē / er
sei freünd od feind / wie vns Christ
auch thon hat / Darū seind alle die
nit Christen leüt die sich Euanges-
lich nennen / vnd seind bereit irem
nächstē schaden zū zusiegē / an leib /

seel/er vn̄ güt/Es seind haidē vn̄
der dem namen Christi / die fruchte
zaigt wol an wer sie seind / wārē sie
recht Christen vnd Euangelisch so
wären sie gehorsam / willig yeder
man zū dienen / niemands zū schas
den / Got wöll sie erleichten in wa
rem glauben / das sie die werden die
sie genent sein wöllē. Amen.

Getruckt vnd volendet in 8 Kai
serlichen Statt Augspurg / durch
Doctor Sigmund Grīm / im A.
D. M. L. iij. Jar.

Marci. 9.

Herr ich glaub hülff meinem vnglauben.

[Faint, illegible handwriting at the top of the page, possibly a title or header.]

[Faint, illegible handwriting in the upper middle section of the page.]

[Faint, illegible handwriting in the lower middle section of the page.]

[Faint, illegible handwriting at the bottom of the page.]



Die bey gezeigter Hand

~~Die bey gezeigter Hand~~

Bartholomäus Verwys Heyndt

des durch proprie manni Heyndt

Anno. 1600

Hande

782 1562

X 2208464

